



春秋列國論卷之三目錄

齊

太公望之後姜姓武王封太王于齊營丘太公至僖公十三世僖公九年魯隱公攝政

僖公



襄公論一則

桓公論

孝公

昭公

懿公

惠公論一則

頃公論

靈公論

莊公論

安孺子

悼公

簡公

平公 論一則

右論七則

春秋列國論卷之三目錄

春秋列國論卷三

明 婁東張溥西銘父著

齊

姜姓侯爵出自炎帝裔孫伯夷為四岳佐禹平水

土有功賜姓曰姜以炎帝生於姜水故也氏曰呂

以其能為禹股肱心膂也古字膂當作呂脊骨也謂之呂侯

其國在南陽宛縣之西商末大公呂望起漁釣為

周文武師號師尚父佐定天下以功封營丘為齊

侯本少昊時爽鳩氏所居地隋為營丘縣今昌樂

縣東南五十里有營丘城大公子丁公呂伋伋子

乙公得子癸公慈母慈母子哀公不辰哀公時
紀侯譖之周夷王王烹哀公其弟胡公靜立徙都
薄姑青州千乘縣有薄姑城今博興縣東一十五
里哀公同母少弟山殺胡公自立是為獻公盡逐
胡公子因徙治臨菑今臨淄縣城北有古齊城獻
公九年卒子武公壽立二十六年卒子厲公無忌
立暴虐無道故胡公子因國人攻殺厲公胡公子
亦戰死齊人乃立厲公子赤是為文公立十二年
卒子成公說立成公九年卒子莊公購立莊公六
十四年卒子僖公祿父立僖公九年入春秋後簡

公四年獲麟傳平公宣公康公康公為田氏遷海
濱二十六年卒三君共一百二年呂氏絕祀田氏
卒有齊國

僖公

名祿父莊公子九年入春秋桓十四年卒在位三十三年諡法小心畏忌曰僖

隱三年冬十有二月齊侯鄭伯盟于石門

六年夏五月辛酉公會齊侯盟于艾

七年夏齊侯使其弟年來聘

八年秋七月庚午宋公齊侯衛侯盟于瓦屋

左傳

冬齊侯使來告成三國

九年冬公會齊侯于防

春秋列國命

十年春王二月公會齊侯鄭伯于中丘 夏翬帥師會

齊人鄭人伐宋 冬十月壬午齊人鄭人入郕

十一年秋七月壬午公及齊侯鄭伯入許

十二年春三月公會齊侯陳侯鄭伯于稷以成宋亂

十三年春公會齊侯于贏 夏齊侯衛侯胥命于蒲 秋

公子翬如齊逆女 九月齊侯送姜氏于謹 公

會齊侯于謹 夫人姜氏至自齊 冬齊侯使其

弟年來聘

十四年夏齊侯鄭伯如紀

十五年冬十有二月丙午齊侯衛侯鄭伯來戰于郎

十一年春正月齊人衛人鄭人盟于惡曹

十二年春二月公會紀侯鄭伯已巳及齊侯宋公衛侯

燕人戰齊師宋師衛師燕師敗績

十四年冬十有二月丁巳齊侯祿父卒

十五年夏四月已巳葬齊僖公

襄公 名諸兒僖公長子桓十五年即位莊八年

弒在位十二年諡法辟地有德曰襄甲冑

十五年夏公會齊侯于艾

十七年春正月丙辰公會齊侯紀侯盟于黃 夏五月

丙午及齊師戰于奚

十八年春公會齊侯于灤 公與夫人姜氏遂如齊

夏四月丙子公薨於齊丁酉公之喪至自齊

左傳

秋齊侯師于首止子亶會之高渠彌相七月戊戌齊人殺子亶而轅高渠彌祭仲逆鄭子于陳而立之

莊元年春三月夫人孫于齊 夏單伯逆王姬 秋築

王姬之館于外 王姬歸于齊 齊師遷紀邢鄆

鄆

二年秋七月齊王姬卒 冬十有二月夫人姜氏會齊

侯于禚

三年春王正月溺會齊師伐衛 秋紀季以鄆入于齊

四年春王二月夫人姜氏享齊侯于祝丘 夏齊侯陳

侯鄭伯遇于垂 六月乙丑齊侯葬紀伯姬 冬

公及齊人狩于禚

五年夏夫人姜氏如齊師 冬公會齊侯宋人陳人蔡

人伐衛

六年冬齊人來歸衛俘

七年春夫人姜氏會齊侯于防 冬夫人姜氏會齊侯

于穀

八年夏師及齊師圍邾邾降于齊師 冬十有一月癸

未齊無知弒其君諸兒

魯隱公三年齊僖公鄭莊公盟于石門此外諸侯特
相盟之始也讀春秋者憂焉曰齊鄭合天下始多故
矣前者魯與宋盟于宿魯宋一黨也今者齊與鄭盟
于石門齊鄭一黨也然六年鄭人來輸平公與齊侯
盟于艾則魯離宋黨矣八年宋公齊侯衛侯盟于瓦
屋則齊離鄭黨矣十年公會齊侯鄭伯于中丘則齊
魯復離宋黨矣是夏魯公子翬帥師會齊鄭伐宋然
後知向者之盟鄭莊巧于謀宋也宋鄭所惡也魯鄭
所欲合也鄭先盟齊以自固次平魯以間宋艾則齊
魯相見而繼以弟年之聘防之會中丘則鄭魯相見

而繼以伐宋敗宋取郟取防其謀有一不出於鄭莊
者乎齊僖爭長東方知鄭莊強忍多智厚與之結齊
用鄭鄭亦用齊瓦屋之盟衛侯雖在齊特愚宋而與
見耳心未嘗不在鄭也齊既以盟愚宋又能間魯伐
宋奸雄之資不下鄭莊伐宋以後入邾入許無不與
鄭同欲是時未有霸也而有霸之漸蓋前者之會唯
兩君相會而瓦屋則諸侯參會也前者之伐唯敵國
相攻而伐宋則連諸侯也有參盟而後有主盟有連
諸侯而後有樓諸侯以伐諸侯齊僖小霸其桓文之
託跡乎然魯桓弑隱齊不出師宋莊弑殤會稷成之

討賊之義非彼所知春秋欲進而予以霸不能也羸
之會齊以女許魯桓其歸也送之至謹既婚也使弟
年來聘齊既不討桓反妻之而厚其禮四方諸侯益
知僖之無志矣紀僻東海齊與鄭謀襲之往朝于紀
以啓兵戎紀侯告難於魯魯欲存之齊欲覆之婚始
兵終戰而敗績僖願奢於伐宋而銳折於圖紀國雖
小其可忽乎齊襄卽位有黃之盟魯平齊紀也卽戰
于奚齊侵魯疆也未幾桓公會齊侯于濼夫人姜氏
亦至遂同如齊夫盟而戰不如無盟戰而會不如無
會且有婦人在其間何也桓如齊而薨薨之故不可

言也桓之喪至自齊至之故不可言也魯莊公立夫
人孫齊焉公爲齊逆王姬焉自是文姜數會齊侯春
秋備書至齊地則姦發夫人至魯地則齊侯之志猶
之鳥獸聚而已矣無知難作襄公遂弒無知者何僖
公母弟夷仲年之子也僖公愛年聘魯致女交政隣
國皆使之出又寵無知衣服禮秩如適襄公紬之無
知遂與連稱管至父作亂而弒公僖之爲君也於國
儲無世子之教於愛女無公宮之訓於母弟諸子無
親親尊賢之防豈專圖外而忘內乎春秋兩書弟年
屢書夫人爲襄病者先爲僖病矣

桓公名小白 僖公子 襄公庶弟 莊九年齊殺無

知納桓公 僖十七年卒 在位四十二年 諡法辟土服 遠曰桓

年莊九春齊人殺無知 公及齊大夫盟于蕮 夏公

伐齊納糾 齊小白入于齊 秋七月丁酉葬齊

襄公 八月庚申及齊師戰于乾時我師敗績

九月齊人取子糾殺之

年十春王正月公敗齊師于長勺 夏六月齊師宋師

次于郎公敗宋師于乘丘 冬十月齊師滅譚譚

子奔莒

年十一冬王姬歸于齊

年十三春齊侯宋人陳人蔡人邾人會于北杏 夏六

月齊人滅遂 冬公會齊侯盟于柯

年十四春齊人陳人曹人伐宋 冬單伯會齊侯宋公

衛侯鄭伯于鄆

年十五春齊侯宋公陳侯衛侯鄭伯會于鄆 夏夫人

姜氏如齊 秋宋人齊人邾人伐郕

年十六夏宋人齊人衛人伐鄭 冬十有二月會齊侯

宋公陳侯衛侯鄭伯許男滑伯滕子同盟于幽

年十七春齊人執鄭詹 夏齊人殲于遂 秋鄭詹自

齊逃來

十九年秋公子結媵陳人之婦于鄆遂及齊侯宋公盟

冬齊人宋人陳人伐我西鄙

二十一年夏齊大災 冬齊人伐我

二十二年秋七月丙申及齊高偃盟于防 冬公如齊納幣

幣

二十三年夏公如齊觀社 公及齊侯遇于穀 冬十有

二月甲寅公會齊侯盟于扈

二十四年夏公如齊逆女

二十六年秋公會宋人齊人伐徐

二十七年夏六月公會齊侯宋公陳侯鄭伯同盟于幽

冬公會齊侯于城濮

左傳

王使召伯廖賜齊侯命且請伐衛以其立子頹也

二十八年春王三月甲寅齊人伐衛衛人及齊人戰衛人

敗績 秋荆伐鄭公會齊人宋人救鄭 臧孫辰

告糴于齊

二十九年秋七月齊人降鄆 冬公及齊侯遇于魯濟齊

人伐山戎

三十一年夏六月齊侯來獻戎捷

三十二年夏宋公齊侯遇于梁丘 冬公子慶父如齊

閔元年春齊人救邢 秋八月公及齊侯盟于落姑

冬齊仲孫來

二年春王正月齊人遷陽 冬齊高子來盟

左傳

僖之元年齊桓公遷邢于夷儀二年封衛于楚丘邢遷如歸衛國忘亡

僖元年春齊師宋師曹師次于聶北救邢 夏齊師宋

師曹師城邢 秋七月戊辰夫人姜氏薨于夷齊

人以歸 八月公會齊侯宋公鄭伯曹伯邾人于

榿 冬十有二月丁巳夫人氏之喪至自齊

二年秋九月齊侯宋公江人黃人盟于貫

左傳

齊寺人貂始漏師于多魚

三年秋齊侯宋公江人黃人會于陽穀 冬公子友如

齊涖盟

左傳

齊侯與蔡姬乘射于囿蕩公公懼變色禁之不可公怒歸之未之絕也蔡人嫁之

四年春王正月公會齊侯宋公陳侯衛侯鄭伯許男曹

伯侵蔡蔡潰遂伐楚次于陘 夏齊人執陳轅濤

塗 冬十有二月公孫茲帥師會齊人宋人衛人

鄭人許人曹人侵陳

五年夏公及齊侯宋公陳侯衛侯鄭伯許男曹伯會王

春秋左傳卷三十一
世子于首止

六年夏公會齊侯宋公陳侯衛侯曹伯伐鄭圍新城

七年春齊人伐鄭秋七月公會齊侯宋公陳世子欵

鄭世子華盟于甯母公子友如齊

八年春王正月公會王人齊侯宋公衛侯許男曹伯陳

世子欵盟于洮鄭伯乞盟

九年夏公會宰周公齊侯宋子衛侯鄭伯許男曹伯于

葵丘

左傳

齊侯以諸侯之師伐晉及高梁而還討晉亂也令不及魯故不書

十年春王正月公如齊夏齊侯許男伐北戎

十二年左傳

冬齊侯使管夷吾平戎于王使隰朋平戎于晉

十三年夏公會齊侯宋公陳侯衛侯鄭伯許男曹伯于

鹹冬公子友如齊

左傳

春齊侯使仲孫湫聘于周且言王子帶事畢不與王言歸復命曰未可王怒未怠其十年乎不十年王弗召也

十五年春王正月公如齊三月公會齊侯宋公陳侯

衛侯鄭伯許男曹伯盟于牡丘秋七月齊師曹

師伐厲

春秋左傳卷三十一

十六冬十有二月公會齊侯宋公陳侯衛侯鄭伯許男邢侯曹伯于淮

左傳

夏齊伐厲不克救徐而還

十七春齊人徐人伐英氏 秋夫人姜氏會齊侯于

卞 冬十有二月乙亥齊侯小白卒

齊桓謀霸自北杏始由是兩會于鄆兩盟于幽會于
榿盟于貫會于陽穀會于首止盟于甯母會于葵丘
說者曰此衣裳之會十有一也盟于洮會于鹹盟于
牡丘會于淮說者曰此兵車之會四也桓之霸所尊
者周所攘者楚所急欲得者魯宋鄭北杏之會平宋

亂也是時楚人虜蔡侯宋萬弑閔公中國無紀桓起
而首事于宋管仲之謀也宋桓背會齊率陳曹伐之
會于鄆而宋服矣厥後宋堅從齊終其世未有改也
柯之盟反魯侵地齊桓信著魯莊服焉然鄆之會魯
不會也同盟于幽魯往會矣公不至也公子結媵陳
人之婦于鄆遂及齊侯宋公盟齊招之也大夫盟矣
而公不盟齊則伐我西鄙焉迨高侯盟防而魯與齊
始無貳也納幣則公如齊觀社則公如齊逆女則公
如齊或會于穀焉或盟于扈焉齊親魯甚幽之再會
乃有魯莊繼以會遇告糴式相好也哀姜淫慶父亂

春秋左傳卷三十一
子般閔公弒齊定魯亂而魯僖事齊遂終身焉兩會于鄆鄭皆從齊而侵宋則有伐同盟于幽鄭再與齊成而鄭詹爲間則有執或離或服鄭固反覆之國也再盟于幽而鄭服荆伐鄭則齊救之矣首止之會鄭叛而卽服齊能制鄭也魯爲望國諸侯之所爲觀離合也宋鄭界南北中國之所爲觀強弱也不得魯則其名不足以召諸侯不得宋鄭則其地不足以聯中國三者服而齊霸成矣楚成方強蠶食諸姬浸淫及鄭不可無救齊與宋公遇于梁丘以謀之來江黃以撓之侵蔡以震之召陵一盟楚告服而齊息師矣周

惠王寵惠后將廢太子立子帶齊桓帥諸侯會太子以定其位而有首止之會惠王薨襄王立使宰孔賜齊侯胙而後有葵丘之盟是故首止齊定周也葵丘周命齊也盟會莫盛焉狄伐邢衛而齊復其國則諸侯慕其仁陳素從齊而齊執轅濤塗則諸侯疑其不信蓋自北杏而葵丘霸之微而向盛者也自葵丘而淮霸之盛而向微者也微而盛者管仲相盛而微者管仲死也然有仲孫之來則乾時長勺之戰西鄙之伐也可略有遷邢封衛之師則滅譚滅遂降鄆遷陽也可略有召陵之盟則伐戎伐山戎伐北戎伐厲伐

英氏也可略有王世子宰周公之會則鄭伯之逃盟乞盟也可略何則其所存者天下之大防防者內外而已矣所持者天下之大分分者上下而已矣尊如王世子而齊定之天下之國莫敢搖也親如哀姜而齊殺之天下之惡莫敢動也侵伐則不興大師勞大衆盟會則不煩諸侯困小國有王者起必任以方伯如唐虞之四岳周之二伯焉不得已而僅以霸名周之衰非齊之僭也

孝公

名昭桓公庶子母鄭姬僖十八年即位二十七年卒在位十年謚法慈惠愛宗曰孝

僖十年春王正月宋公曹伯衛人邾人伐齊夏師救

齊五月戊寅宋師及齊師戰于靡齊師敗績狄救

齊秋八月丁亥葬齊桓公

十九年冬會陳人蔡人楚人鄭人盟于齊

二十年秋齊人狄人盟于邢

二十一年春宋人齊人楚人盟于鹿上

二十二年春齊侯伐宋圍緡

二十六年春齊人侵我西鄙公追齊師至鄆弗及夏齊

人伐我北鄙衛人伐齊冬公以楚師伐齊取

穀

二十七年夏六月庚寅齊侯昭卒秋八月乙未葬齊孝

公

昭公

名潘桓公妾葛嬴之子弒兄孝公子自立
二十八年即位文十四年卒在位二十年
諡法容儀
恭美曰昭

二十八年夏四月己巳晉侯齊師宋師秦師及楚人戰于

城濮楚師敗績 五月癸丑公會晉侯齊侯宋公

蔡侯鄭伯衛子莒子盟于踐土 秋公子遂如齊

冬公會晉侯齊侯宋公蔡侯鄭伯陳子莒子邾

子秦人于温

二十九年夏六月會王人晉人宋人齊人陳人蔡人秦人

盟于翟泉

三十年夏狄侵齊

三十一年春齊侯使國歸父來聘 夏狄侵齊 冬十月

公如齊

文元年冬公孫敖如齊

二年冬公子遂如齊納幣

四年夏逆婦姜于齊 狄侵齊

九年春夫人姜氏如齊 三月夫人姜氏至自齊 夏

狄侵齊 秋狄侵齊

十四年夏五月乙亥齊侯潘卒

懿公 名商人桓公妾密姬子弒兄昭公子舍自
立文十五年即位十八年弒在位四年諡

法溫柔賢
善曰懿

文十年秋齊公子商人弒其君舍 冬單伯如齊齊人

執單伯齊人執子叔姬

十五年夏齊人歸公孫敖之喪 單伯至自齊 秋齊

人侵我西鄙 冬十有二月齊人來歸子叔姬

齊侵我西鄙遂伐曹入其郛

十六年春季孫行父會齊侯于陽穀齊侯弗及盟 夏

六月戊辰公子遂及齊侯盟于郟丘

十七年夏齊侯伐我西鄙六月癸未公及齊侯盟于穀

冬公子遂如齊

十八年夏五月戊戌齊人弒其君商人

惠公

名元桓公妾少衛姬之子懿公兄齊人弒懿公立之宣元年即位十年卒在位十年
諡法柔質
慈民曰惠

文十年秋公子遂叔孫得臣如齊 冬夫人姜氏歸于

齊 季孫行父如齊

宣元年春公子遂如齊逆女 三月遂以夫人婦姜至

自齊 夏季孫行父如齊 公會齊侯于平州

公子遂如齊 六月齊人取濟西田

四年春王正月公及齊侯平莒及郟莒人不肯公伐莒

取向 赤狄侵齊 秋公如齊

五年春公如齊 秋九月齊高固來逆子叔姬 冬齊

高固及子叔姬來

六年 左傳 夏定王使子服求后于齊 冬召桓公逆王后于齊

七年夏公會齊侯伐萊

八年夏六月公子遂如齊至黃乃復

九年春王正月公如齊 夏齊侯伐萊

十年春公如齊 齊人歸我濟西田 夏己巳齊侯元

卒

左傳于魯僖公二年秋書齊寺人貂始漏師於多魚

此史文特筆著齊桓內亂之本所以輔經闕也十七

年冬齊桓公卒易牙與貂因內寵殺羣吏立公子無

虧孝公奔宋於是宋襄公以諸侯伐齊齊人殺無虧

四公子之徒與宋戰宋敗齊師于廕立孝公而還夫

桓公之三夫人皆無子如夫人六人皆有子其孰為

太子歟未有立也然以長則無虧矣桓既許之而又

屬孝公于宋則國人終未知孰為太子也宋挾少敵

長其名不順而齊人從之者以為易牙與寺人貂之

所立無寧宋立也孝公在位侵魯西鄙又伐北鄙其

稱詞曰討向洮之盟其懷憾則以昔年爭國之時魯

春秋左傳卷三十一
救齊而右羣公子也魯戰不克乞師于楚伐齊取穀
用夷伐夏魯僖之衰德也然而孝公實甚楚桓所征
也而與之盟于國狄桓所攘也而與之盟于邢父菑
而子弗播父基而子弗堂不孝之著者也宋襄伐齊
雖不直於孝公非無德也方爲鹿上之盟旋有圍緡
之役乘其弱而背之利其敗而攻之負宋多矣彼不
難負宋又何難侵魯跡其行事天下之忍人也有弟
七人爲七大夫于楚而公不能撫也固宜史記曰孝
公卒弟潘因衛公子開方殺孝公子而自立是爲昭
公事誠有之可謂非公召乎昭公享國二十年志不

存乎中國春秋畧焉然其初立也城濮之戰有齊師
踐土之盟溫之會有齊侯翟泉之盟有齊人其從晉
伯也惟謹斯人也殆銳始而惰終者也昭公卒子舍
立懿公弑之舍魯出子叔姬其母也舍弑魯人哀之
以王命求于齊曰殺其子焉用其母齊人弗聽也單
伯至則執之子叔姬欲歸則執之而舉國莫非也懿
公向施于國而多聚士國人懷其小德忘其大惡弑
國君執國母以爲固然而已矣卽位四年邴歃閭職
之變作公身遇弑國人願之亦無出而討二賊者蓋
懿實不仁未爲君而求於人則民惑之久之卽弗堪

也。懿之初弒舍也。讓其兄元。元曰：爾求久矣，我能事爾。既立，終不曰公而曰夫。已氏不讓，則懼其再弒也。讓而為之，臣則心不許也。四年之中，元豈忘圖懿哉？因竹中之難，順國人之請，偃然為君而無誅焉。是惠公之志也。齊與魯爭于孝公之時，至昭公而平爭于懿公之時，至惠公而平魯。僖公敵齊者也。文公畏齊者也。宣公役于齊者也。昭公之時，狄五侵齊，惠公之時，赤狄一侵齊，皆不能報。春秋悲齊之不競也。起而兼責晉之無伯，然無虧亂而狄來救齊，邢會而狄與盟，敢於猾夏，其誰啓之？則孝公為罪首矣。

頃公 各無野惠公之子宣十一年即位成九年卒在位十七年諡法敏以敬慎曰頃

宣十年 夏 崔氏出奔衛 公如齊 六月 公孫歸父如

齊葬齊惠公 秋季 孫行夫如齊 冬 公孫歸父如

齊齊侯使國佐來聘

十一年 夏 公孫歸父會齊人伐莒

十三年 春 齊師伐莒

十四年 冬 公孫歸父會齊侯于穀

十五年 秋 仲孫蔑會齊高固于無婁

十七年 夏 六月 己未 公會晉侯衛侯曹伯邾子同盟于

斷道

十八年春晉侯衛世子臧伐齊

成二年春齊侯伐我北鄙夏四月丙戌衛孫良夫帥

師及齊師戰于新築衛師敗績六月癸酉季孫

行父臧孫許叔孫僑如公孫嬰齊帥師會晉郤克

衛孫良夫曹公子首及齊侯戰于鞏齊師敗績

秋七月齊侯使國佐如師己酉及國佐盟于袁婁

八月庚寅取汶陽田十有一月丙申公及楚

人秦人宋人陳人衛人鄭人齊人曹人邾人薛人

鄆人盟于蜀

三年左傳齊侯朝于晉

五年冬十有二月己丑公會晉侯齊侯宋公衛侯鄭伯

曹伯邾子杞伯同盟于蟲牢

七年秋楚公子嬰齊帥師伐鄭公會晉侯齊侯宋公衛

侯曹伯莒子邾子杞伯救鄭八月戊辰同盟于馬

陵

八年春晉侯使韓穿來言汶陽之田歸之于齊冬叔

孫僑如會晉士燮齊人邾人伐邾

九年春公會晉侯齊侯宋公衛侯鄭伯曹伯莒子杞伯

同盟于蒲秋七月丙子齊侯無野卒冬十有

一月葬齊頃公

齊之孝昭懿惠兄弟相及爭殺篡弑蓋世見也至惠公而傳子其序始順羣公子之黨亦息矣魯宣篡立齊惠成之生則君臣如齊死則奔喪會葬雖諸侯事天子禮未有恭焉者也頃公立魯宣奉之無貳會葬以後行父歸父奔走如初國佐報聘往來無間伐莒之師魯從齊令穀之會歸父會齊侯無婁之會仲孫蔑會齊高固未有隙也斷道一盟而魯偕晉衛盡與齊讐則春秋懼焉齊爲霸國不肯下晉文公之霸齊昭恪從晉襄嗣之齊復自大不與盟會及乎頃公猶無變也卻克徵會怒婦人之笑請景公伐齊公雖未

許執三大夫釁怒已彰逮魯成公立齊伐北鄙魯積怨而絕齊衛則世子臧之伐新築之敗憤齊方深於是季文子孫良夫皆因卻克以請師晉出師有名而後克之憾乃釋也鞏之戰魯四卿並出衛曹皆從大敗齊師幾獲頃公春秋記齊敗莫若是役然卻克答齊師一則曰大國朝夕釋憾于魯衛二則曰寡君使羣臣爲魯衛請則知晉師非魯衛之請不出魯衛非怨齊侵不請晉師也袁婁之盟國佐詞直卻克曰與我紀侯之虜反魯衛侵地使耕者東畝且以蕭同叔子爲質國佐曰紀侯之虜魯衛之侵地請諾使耕者

人來媵

年十一 秋叔孫僑如如齊

年十三 夏五月公自京師遂會晉侯齊侯宋公衛侯鄭

伯曹伯邾人滕人伐秦

年十四 秋叔孫僑如如齊逆女 九月僑如以夫人婦

姜氏至自齊

年十五 春三月癸丑公會晉侯衛侯鄭伯曹伯宋世子

成齊國佐邾人同盟于戚 冬十有一月叔孫僑

如會晉士燮齊高無咎宋華元衛孫林父鄭公子

鮑邾人會吳于鍾離

年十六 秋公會晉侯齊侯衛侯宋華元邾人于沙隨不

見公 公會尹子晉侯齊國佐邾人伐鄭 冬十

月乙亥叔孫僑如出奔齊

左傳

齊聲孟子通僑如使立于高國之間僑如曰不可以再罪奔衛亦間于卿

年十七 夏公會尹子單子晉侯齊侯宋公衛侯曹伯邾

人伐鄭 六月乙酉同盟于柯陵 秋齊高無咎

出奔莒 冬公會單子晉侯宋公衛侯曹伯齊人

邾人伐鄭

左傳

齊侯使崔杼為大夫使慶克佐之帥師圍廬

國佐從諸侯圍鄭以難請而歸遂如盧師殺慶克以穀叛齊侯以之盟于徐關而復之十二年二月盧降使國勝告難于晉待命于清

年十八春齊殺其大夫國佐冬十有二月仲孫蔑會

晉侯宋公衛侯邾子齊崔杼同盟于虛朶

年襄元夏晉韓厥帥師伐鄭仲孫蔑會齊崔杼曹人邾

人杞人次于鄆冬仲孫蔑會晉荀營齊崔杼宋

華元衛孫林父曹人邾人滕人薛人小邾人于戚

遂城虎牢

左傳

齊侯伐萊萊人使正與子賂風沙衛以索馬牛皆百匹齊師乃還君子是以知齊靈公之為靈也

年三夏六月公會單子晉侯宋公衛侯鄭伯莒子邾子

齊世子光已未同盟于雞澤

年五秋公會晉侯宋公陳侯衛侯鄭伯曹伯莒子邾子

滕子薛伯齊世子光吳人鄆人于戚冬楚公子

貞帥師伐陳公會晉侯宋公衛侯鄭伯曹伯齊世

子光救陳

年六冬十有二月齊侯滅萊

年八夏季孫宿會晉侯鄭伯齊人宋人衛人邾人于邢

丘

年九冬公會晉侯宋公衛侯曹伯莒子邾子滕子薛伯

杞伯小邾子齊世子光伐鄭十有二月己亥同盟
于戲

十年春公會晉侯宋公衛侯曹伯莒子邾子滕子薛伯
杞伯小邾子齊世子光會吳于柤 秋公會晉侯
宋公衛侯曹伯莒子邾子齊世子光滕子薛伯杞
伯小邾子伐鄭

十一年夏公會晉侯宋公衛侯曹伯齊世子光莒子邾
子滕子薛伯杞伯小邾子伐鄭 秋七月己未同
盟于亳城北 公會晉侯宋公衛侯曹伯齊世子
光莒子邾子滕子薛伯杞伯小邾子伐鄭會于蕭

魚

十二年左傳

靈王求后于齊齊侯許婚王使陰里結之

十四年春王正月季孫宿叔老會晉士匄齊人宋人衛
人鄭公孫蠆曹人莒人邾人滕人薛人杞人小邾
人會吳于向 夏四月叔孫豹會晉荀偃齊人宋
人衛北宮括鄭公孫蠆曹人莒人邾人滕人薛人
杞人小邾人伐秦 己未衛侯出奔齊
十五年春劉夏迎王后于齊 夏齊侯伐我北鄙圍成
公救成至遇

十六年三月齊侯伐我北鄙 秋齊侯伐我北鄙圍成

春秋左傳卷三十四
十七年秋齊侯伐我北鄙圍桃齊高厚帥師伐我北鄙

圍防

十八年秋齊師伐我北鄙冬十月公會晉侯宋公衛

侯鄭伯曹伯莒子邾子滕子薛伯杞伯小邾子同

圍齊

十九年夏衛孫林父帥師伐齊秋七月辛卯齊侯環

卒晉士匄帥師侵齊至穀聞齊侯卒乃還

齊靈公於晉景之時一伐鄭於晉厲之時一伐秦三

伐鄭於晉悼之時四伐鄭皆晉命也晉厲盟會沙隨

柯陵靈公親行於悼公則惟雞澤之盟一至而已于

戚于戲于粗于毫城北于蕭魚皆遣世子光虛打邢

丘諸會則國卿大夫耳豈公於晉反畏厲而輕悼乎

意者鄆陵之戰晉厲方銳齊靈新立心實怖之悼公

復霸欲以德撫諸侯公遂驕蹇國中歟魯襄元年諸

侯圍宋彭城討魚石齊人不會晉以為討齊世子光

質於晉公乃與盟雞澤同推悼公為霸主自是或盟

或會世子大夫代行晉皆無責齊晉匹也能從霸令

即云同欲晉悼安之不必其國君之自至也會戚以

來齊世子光序于滕薛之下不以大國之臣先小國

之君禮也魯襄十年伐鄭崔杼使光先至於師遂長

春秋左傳卷三十四
三

於○勝○其○後○毫○城○北○之○盟○蕭○魚○之○會○曹○伯○以○下○卽○序○齊○
光○遂○爲○常○位○蓋○晉○深○欲○得○齊○而○尊○其○世○子○不○顧○越○禮○
而○躋○之○也○讀○春○秋○者○曰○隱○桓○諸○侯○皆○序○爵○也○霸○者○作○
而○後○小○國○序○大○國○之○上○則○有○子○男○長○伯○者○矣○若○以○世○
子○長○小○國○之○君○則○悼○公○爲○之○也○魯○成○公○與○齊○頃○公○戰○
于○鞏○取○汶○陽○田○久○未○通○使○晉○景○使○韓○穿○來○言○歸○田○於○
齊○齊○怨○少○損○頃○公○卒○靈○公○立○魯○成○新○辱○於○晉○欲○與○齊○
修○前○好○使○叔○孫○僑○如○如○齊○又○逆○女○以○固○之○傳○及○襄○公○
同○齊○盟○會○惟○晉○悼○是○聽○不○聞○以○戎○服○見○也○忽○而○北○鄙○
告○釁○齊○于○四○年○之○中○六○伐○鄙○四○圍○邑○其○時○晉○悼○卒○矣○

中○國○無○霸○齊○敢○日○逞○以○魯○爲○壑○諸○侯○所○共○疾○也○圍○齊○
之○役○晉○荀○偃○禱○于○河○曰○齊○環○怙○恃○其○險○負○其○衆○庶○棄○
好○背○盟○陵○虐○神○主○曾○臣○彪○率○諸○侯○以○討○執○言○也○正○無○
異○于○鳴○鐘○鼓○揭○鞞○鐸○也○戰○于○鞏○者○私○憤○同○圍○齊○者○公○
惡○私○憤○而○戰○雖○勝○不○予○公○惡○而○圍○卽○不○得○志○猶○如○服○
焉○晉○師○再○伐○聞○靈○公○卒○廼○還○君○子○大○士○丐○之○不○伐○喪○
也○晉○于○齊○始○終○有○禮○矣○聲○孟○子○靈○公○母○也○慶○克○淫○人○
也○公○受○譖○而○刖○鮑○牽○逐○高○無○咎○一○之○已○甚○國○佐○誅○克○
與○盟○而○復○之○又○殺○于○內○宮○之○朝○是○公○再○助○亂○也○魯○之○
僑○如○猶○齊○慶○克○也○成○公○能○不○惑○于○穆○姜○僑○如○出○奔○靈○

公胡不聞焉公立太子光又愛仲子之子牙而立之
仲子以為不祥而公不聽既卒光遂殺戎子執牙公
於母明不若魯成於子智不若仲子如是而曰靈其
齊靈公之所以為靈乎

莊公

名光靈公子襄二十年即位二十五年
年試在位六年謚法屢征殺伐曰莊

襄十年

秋齊殺其大夫高厚

冬葬齊靈公

左傳

齊慶封為高唐克冬十一月齊侯圍之見
衛在城上號之乃下問守備焉以無備告揖
之乃登聞師將傳食高唐人殖綽工僕會夜
緹納師臨衛于軍

二十

年夏六月庚申公會晉侯齊侯宋公衛侯鄭伯曹

伯莒子邾子滕子薛伯杞伯小邾子盟于澶淵

秋叔老如齊

二十

一年冬公會晉侯齊侯宋公衛侯鄭伯曹伯莒子邾

子于商任

左傳

齊侯使慶佐為大夫復討公子牙之黨執公
子買于句瀆之丘公子鉏來奔叔孫還奔燕

二十二年冬公會晉侯齊侯宋公衛侯鄭伯曹伯莒子邾

子薛伯杞伯小邾子于沙隨

左傳

秋欒盈自楚適齊晏平仲言于齊侯曰商任
之會受命於晉今納欒氏將安用之弗聽退
告陳文子曰君人執信臣人執共忠信篤敬

上下同之天之道也君自棄也弗能久矣

二十三年秋齊侯伐衛遂伐晉八月叔孫豹帥師救晉次

于雍榆 冬齊侯襲莒

左傳

齊侯將為臧紇田臧孫聞之見齊侯與之言
伐晉對曰多則多矣抑君似鼠夫鼠晝伏夜
動不穴於寢廟畏人故也今君聞晉之亂而
後作焉寧將事之非鼠何如乃弗與田

二十四年春仲孫羯帥師侵齊 秋齊崔杼帥師伐莒

公會晉侯宋公衛侯鄭伯曹伯莒子邾子滕子薛

伯杞伯小邾子于夷儀 冬楚子蔡侯陳侯許男

伐鄭

二十五年春齊崔杼帥師伐我北鄙 夏五月乙亥齊崔

杼弑其君光 公會晉侯宋公衛侯鄭伯曹伯莒

子邾子滕子薛伯杞伯小邾子于夷儀 秋八月

己巳諸侯同盟于重丘

景公

名杵曰莊公異母弟襄二十六年即位哀
五年卒在位五十八年謚法由義而濟曰

襄二十七年春齊侯使慶封來聘

左傳

齊崔杼生成及疆而寡娶東郭姜生明東郭
姜以狐入曰棠無咎與東郭偃相崔氏崔成
有疾而廢之而立明成請老于崔崔子許之
偃與无咎弗子曰崔宗邑也必在宗主成與
疆怒將殺之告慶封曰夫子之身亦子所知

也唯無咎與偃是從父兄莫得進矣大恐害
夫子敢以告慶封曰子姑退吾圖之告盧蒲
嫫盧蒲嫫曰彼君之讐也天或者將棄彼矣
彼實家亂子何病焉崔之薄慶之厚也他日
又告慶封曰苟利夫子必去之難吾助女九
月庚辰崔成崔疆殺東郭偃棠无咎於崔氏
之朝崔子怒而出其衆皆逃求人使駕不得
使圉人駕寺人御而出且曰崔氏有福止余
猶可遂見慶封慶封曰崔慶一也是何敢然
請爲子討之使盧蒲嫫帥甲以攻崔氏崔氏
堞其宮而守之弗克使國人助之遂滅崔氏
殺成與疆而盡俘其家其妻縊嫫復命于崔
子且御而歸之至則無歸矣乃縊崔明夜辟
諸大墓辛巳崔明來奔慶封當國崔氏之亂
申鮮虞來奔僕賃於野以喪莊公冬楚人召
之遂如楚爲右尹

二十八年冬齊慶封來奔

左傳

夏齊侯陳侯蔡侯北燕伯杞伯胡子沈子白

狄朝于晉宋之盟故也齊侯將行慶封曰我
不與盟何爲于晉陳文子曰先事後賄禮也
小事大未獲事焉從之如志禮也雖不與盟
敢叛晉乎重丘之盟未可忘也子其勸行
崔氏之亂喪羣公子故鉏在魯叔孫還在燕
買在句瀆之丘及慶氏亡皆召之具其器用
而反其邑焉與晏子邺殿其鄙六十弗受與
北郭佐邑六十受之與子雅邑辭多受少與
子尾邑受而稍致之公以爲忠故有寵釋盧
蒲嫫于北竟求崔杼之尸將戮之不得叔孫
穆子曰必得之武王有亂十人崔杼其有乎
不十人不足以葬既崔氏之臣曰與我其拱
璧吾獻其柩於是得之十二月乙亥齊人遷
莊公殯于大寢以其棺尸崔杼於市

二十九年夏仲孫羯會晉荀盈齊高止宋華定衛世叔儀

鄭公孫段曹人莒人滕人薛人小邾人城杞 秋

齊高止出奔北燕 冬仲孫羯如晉

左傳

二月癸卯齊人葬莊公于北郭為高氏之難故高豎以盧叛十月庚寅闕丘嬰帥師圍盧高豎曰苟使高氏有後請致邑齊人立敬仲之曾孫鄒良敬仲也十一月乙卯高豎致盧而出奔晉晉人城縣而寘旃

三十冬晉人齊人宋人衛人鄭人莒人邾人滕

人薛人杞人小邾人會于澶淵宋災故

昭元年春叔孫豹會晉趙武楚公子圍齊國弱宋向戌

衛齊惡陳公子招蔡公孫歸生鄭罕虎許人曹人

于虢秋莒去疾自齊入于莒

二年左傳

夏四月韓須如齊逆女齊陳無宇送女致少姜少姜有寵于晉侯晉侯謂之少齊謂陳無宇非卿執諸中都少姜為之請曰送從逆班

畏大國也猶有所易是以亂作

三年冬北燕伯欵出奔齊

左傳

齊侯使晏嬰請繼室於晉晉韓起如齊逆女公孫薑為少姜之有寵也以其子更公女而嫁公子九月子雅放盧蒲嫫于北燕齊公孫龜卒

六年秋齊侯伐北燕

七年春王正月暨齊平叔孫舍如齊涖盟

八年左傳

七月甲戌齊子尾卒子旗欲治其室丁丑殺梁嬰八月庚戌遂子成子工子車皆來奔而立子良氏之宰

九年秋仲孫矍如齊

春秋列國命

三

十夏齊欒施來奔

十一年秋季孫意如會晉韓起齊國弱宋華亥衛北宮

佗鄭罕虎曹人杞人于厥愁

十二年春齊高偃帥師納北燕伯于陽 冬十月公子

愁出奔齊

左傳

齊侯衛侯鄭伯如晉朝嗣君也

十三年秋公會劉子晉侯齊侯宋公衛侯鄭伯曹伯莒

子邾子滕子薛伯杞伯小邾子于平丘

十五年春齊侯伐徐

十九年秋齊高發帥師伐莒

二十一年左傳

齊侯疥遂痞期而不瘳諸侯之賓問疾者多在梁丘據與裔欵言于公曰盍誅於祝固史器以辭賓晏子曰不可為也修德而後可公說使有司寬政毀關去禁薄斂已責齊侯至月齊侯田于沛招虞人以弓不進齊侯至自田晏子待于遯臺子猶馳而進焉公曰唯據與我和夫晏子對曰據亦同也焉得為和

二十二年春齊侯伐莒

二十五年秋九月巳亥公孫于齊 齊侯唁公于野井

冬十有二月齊侯取鄆

二十六年春三月公至自齊居于鄆 秋公會齊侯莒子

邾子杞伯盟于鄆陵

左傳

齊有彗星齊侯使禳之晏子曰無益也 晏

子曰陳氏厚施唯禮可以已之

二十七年春公如齊公至自齊居于鄆 冬公如齊公至

自齊居于鄆

二十九年春齊侯使高張來唁公

三十年冬仲孫何忌會晉韓不信齊高張宋仲幾衛世

叔申鄭國參曹人莒人薛人杞人小邾人城成周

定七年秋齊侯鄭伯盟于鹹 齊人執衛行人北宮結

以侵衛 齊侯衛侯盟于沙 齊國夏帥師伐我

西鄙

左傳

齊人歸鄆陽關陽虎居之以為政

八年春王正月公侵齊 二月公侵齊 夏齊國夏帥

師伐我西鄙

九年秋齊侯衛侯次于五氏

十年春王三月及齊平 夏公會齊侯于夾谷 齊人

來歸鄆謹龜陰田 冬齊侯衛侯鄭游速會于安

甫 叔孫州仇如齊

十二年冬十月癸亥公會齊侯盟于黃

十三年春齊侯衛侯次于垂葭

十四年夏公會齊侯衛侯于牽 秋齊侯宋公會于洮

十五年夏齊侯衛侯次于渠蔭

春秋及國論卷三
哀元 秋齊侯衛侯伐晉

左傳

夏四月齊侯衛侯救邯鄲圍五鹿

三 春齊國夏衛石曼姑帥師圍戚

五 夏齊侯伐宋 秋九月癸酉齊侯杵臼卒 冬叔

還如齊 閏月葬景公

齊莊公殺戎姬執公子牙殺高厚臨夙沙衛討公子
買汲汲如不及為已故也澶淵之盟齊與晉成晉樂
盈出奔平公會諸侯于商任又會于沙隨以錮之而
齊獨納盈且有伐衛伐晉之師自是襲莒伐莒伐我
北鄙歲有兵役六年之間莊公何勤乎四方也蓋公

為世子時五與盟會少專國政而習于諸侯之事專
國政則有黨有黨則易制人習諸侯之事則輕諸侯
輕諸侯則敢于伐霸主所必然也然靈公之時諸侯
圍齊靈公敗將走郵棠莊公扣馬曰師將退矣君何
懼焉抽劍斷鞅乃止能料敵而斷大事其孰先之棠
姜難發拊楹而歌隊死不救氣雄于大國而力屈于
一婦人所謂事外者智及身者迷也莊公雖強素任
崔杼靈公卒杼迎立之專執國政殺大臣伐隣國皆
杼為主杼之習諸侯而得國人豈後莊公哉懷賜冠
之恥又與晉通而謀弒公以為悅其誰難焉既弒莊

公卽立景公崔氏不惟無弑君之罪而反有立君之功盟于大宮晏嬰仰天而嘆莫可如何也盧蒲癸間慶封而崔氏誅盧蒲癸間子雅子尾而慶封奔大逆之滅也不出于執政之賢者而一二嬖人鋤而去之易于執禽亦云異矣崔慶之亂也莊公之嬖臣死者數人旣而爲之復讐者盧蒲王何之屬又其嬖也嬖人之中何多義士豈莊公不道其才智尚能得人乎或者晏嬰輔景陰相其成討亂賊者衆皆有恃故嬖伐崔而國人助之癸伐慶而樂高陳鮑助之也齊魯之交自齊人媵伯姬僑如逆婦姜以後二國不通好

者三十年靈公之季歲輒侵魯莊公又使崔杼來伐魯怒齊深矣景公卽位卽使慶封聘魯息爭修睦和衆安民之始政也魯昭七年與齊平使叔孫舍涖盟仲孫貜報聘事齊誠恭昭公爲季孫意如所逐出孫于齊景公唁之爲取鄆以居公及乎定公爭鄆出師齊雖有國夏二伐而夾谷一會卽歸田和好盟黃無貳景公終非讐魯者也然公四十年以前志在自守四十年以後志漸爭霸盟于鄆陵參盟之再見者也盟于鹹則鄭合矣盟于沙則衛合矣會于洮則宋又從齊矣以齊之大而得陳魯衛宋之合復霸也不難

乃伐晉而有五氏垂葭藁蔕之次助衛而有戚之圍
春秋皆無取焉伐霸主之國者力不敵助子拒父者
名不正也或謂魯昭出孫齊既取鄆居之曷不帥師
納公大明義討然非景公任也公志無遠圖心畏季
氏但謂以地處昭使不失所則待寓公之禮盡矣安
能執罪人反故君為存衛入陳之舉哉昭公流離瑣
尾絕望于齊而後如晉竟卒于乾侯定公所以不能
無怨也晉衰不振齊圖復伯僅以參盟為端事必不
成况政在陳氏乎莊公好殺而景公反之以和莊公
好兵而景公反之以靜公之久安其位與晏嬰之謀

顯其君道無過此是以在國不討崔慶於魯不討季
氏高止欒施出奔無政即陳氏得民徒私憂之而無
以折也納北燕伯伐徐莒僅威小國而已耄而用師
即有妄動之譏君非桓公臣無管仲凡人固有能有
不能也

安孺子

名茶景公妾鬻姒子安其號也哀六年即位

哀六年

夏齊國夏及高張來奔

齊陽生入于齊齊陳

乞弒其君荼

悼公

名陽生景公子安孺子兄弒孺子自立哀七年即位十年弒在位四年謚法中年早

悼

八年夏齊人取謹及闡 冬齊人歸謹及闡

九年左傳 春齊侯使公孟綽辭師于吳 冬吳子使來
傲師伐齊

十年春公會吳伐齊三月戊戌齊侯陽生卒 夏晉趙

鞅帥師侵齊 葬齊悼公

左傳 秋吳子使來復傲師

簡公 名壬悼公子哀十一年即位十四年
弒在位四年謚法一德不懈曰簡

哀十一年春齊國書帥師伐我 夏五月公會吳伐齊甲

戌齊國書帥師及吳戰于艾陵齊師敗績獲齊國

書

左傳

哀十四年夏四月齊陳恒執其君寘于舒州
六月齊人弒其君壬于舒州

平公 名驁簡公弟田常弒簡公立之哀公十五
年即位政歸田氏割齊安平以東為田氏

邑在位二十五年卒

左傳

哀十五年夏五月齊高無卒出奔北燕 冬
及齊平 衛公孟彊出奔齊

十七年夏六月趙鞅圍衛齊國觀陳瓘救衛
乃還 十二月齊人伐衛衛人請平立子起

執般師以歸舍諸潞 公會齊侯盟于蒙
十八年夏衛石圃逐其君起起奔齊衛侯輒

自齊復歸 二十年春齊人來徵會夏會于廩丘為鄭故
謀伐晉鄭人辭諸侯秋師還

二十一年秋八月公及齊侯邾子盟于顧
二十二年夏四月邾隱公自齊奔越

二十三年夏六月晉荀瑶伐齊高無平帥師御之壬辰戰于犁丘齊師敗績知伯親禽顏庚
二十四年夏四月晉侯將伐齊使來乞師滅石帥師會之取廩丘

齊桓公不立太子五子爭之四世不靖景公亦然在位五十八年國儲未正嬖子荼而欲立之不能言也諸大夫請之則曰且姑謀樂何憂無君夫桓為霸長葵丘之盟首戒樹子景承靈莊之亂戎姬公子牙所親見也享國最久何獨不念國本哉凡人年老則惡聞為後寵多則難定所立二公雖賢殆不免焉然桓公諸子有雍巫寺人貂公子開方為亂三人即近君

側未能專執國命生殺自為也景公之時政繇陳氏公在位日久陳氏得民日深即使公早建太子猶能間群公子為難况陽生次長荼少母賤授以社稷能無變乎國夏高張受命立荼陳乞攻之遂同出奔譬之于晉荼奚齊卓子也陽生夷吾重耳也陳乞鮑牧里克丕鄭也而國高不食其言且不如苟息則為奚卓者益殆矣陽生入安孺子廢讓位而退無相害也陽生使朱毛語乞必欲殺孺子乞泣而謝之本其志但欲廢君非忍弑君者也然而春秋書弑乞為主名杜預曰楚公子比之劫立齊陳乞之流涕鄭子家之

春○和○及○國○論○卷○三○
憚○老○三○者○皆○可○免○罪○春○秋○明○而○書○之○以○爲○弑○主○所○以○
絕○其○免○罪○之○端○也○悼○公○立○取○魯○謹○闡○無○何○卽○歸○之○魯○
公○與○魯○無○怨○也○吳○師○至○齊○齊○人○卽○以○公○訃○于○軍○告○經○
曰○卒○也○傳○曰○弑○也○後○世○莫○能○明○之○悼○公○卒○齊○又○立○其○
子○簡○公○經○書○齊○國○書○帥○師○伐○魯○魯○哀○公○會○吳○伐○齊○艾○
陵○之○戰○齊○師○敗○績○吳○獲○國○書○是○戰○也○魯○主○之○乎○吳○主○
之○乎○魯○弱○于○齊○戰○非○魯○事○也○魯○與○會○不○與○戰○而○吳○則○
爲○魯○而○戰○則○猶○之○魯○戰○也○魯○何○所○辭○責○焉○未○幾○陳○恒○
復○弑○簡○公○夫○安○孺○子○方○立○而○弑○乃○有○悼○公○悼○公○立○四○
年○而○卒○乃○有○簡○公○今○簡○公○立○四○年○又○弑○矣○未○踰○八○年○

齊○喪○三○君○弑○孺○子○者○陳○乞○弑○簡○公○者○陳○恒○未○知○弑○悼○
公○者○誰○也○桓○公○諸○子○之○亂○惟○無○虧○速○死○其○群○公○子○則○
孝○公○立○十○年○昭○公○立○二○十○年○懿○公○立○四○年○惠○公○立○十○
一○年○皆○能○成○君○未○卽○殄○瘁○景○公○之○子○若○孫○立○於○南○面○
若○不○能○終○日○者○蓋○桓○公○之○歿○國○雖○亂○爭○之○者○猶○齊○公○
子○也○景○公○之○歿○則○爭○國○者○非○齊○公○子○矣○晏○子○言○禮○可○
爲○國○孔○子○言○君○臣○父○子○公○善○之○而○不○能○用○竟○以○國○家○
子○孫○委○之○陳○氏○則○孺○子○諸○君○之○弑○雖○謂○景○公○自○殺○之○
可○也○陳○恒○弑○簡○公○于○舒○州○孔○子○三○日○齋○請○伐○齊○三○魯○
公○不○能○孔○子○退○時○魯○哀○公○十○四○年○之○夏○也○孔○子○作○春○

春秋列國論卷三
秋于其春之獲麟先絕筆焉夫感麟之深不如懼亂賊之切安知孔子絕筆不為齊陳恒哉

春秋列國論卷三終

春秋列國論卷之四目錄

晉唐叔虞之後武王滅唐而封之至熒父改為晉自唐叔至鄂侯二年春秋始焉

翼鄂侯

曲沃莊伯

翼哀侯

曲沃武公

翼小子侯

翼緡侯

獻公

惠公論一則

惠公論一則

文公論一則

襄公論一則

靈公論一則

成公論一則

景公論一則

厲公論一則

悼公論一則

平公論一則

昭公論一則

頃公論一則

定公

出公論一則

春秋列國論卷之四目錄

春秋列國論卷四

明婁東張溥西銘父著

晉

姬姓侯爵出自周武王少子唐叔虞成王母弟也
 初邑姜方娠有吉夢及生子有文在手曰虞因名
 之成王滅唐遷唐公於杜降為伯堯後封虞叔於
 唐居古大夏實沈之墟謂之太原亦曰晉陽在河
 汾之東北唐叔子燮父嗣封改為晉以其地有晉
 水故也晉侯子武侯寧族武侯子成侯服人徙曲
 沃在河東聞喜縣成侯子厲侯福厲侯子靖侯宜

曰立十八年卒子釐侯司徒立十八年卒子獻侯
籍立十一年卒子穆侯費王立徙絳今絳州二十
七年卒弟殤叔自立太子仇出奔殤叔四年仇襲
殺殤叔復國是為文侯立三十五年卒子昭侯伯
立徙翼今翼城縣東南有古翼城封文侯弟成師
于曲沃是為桓叔桓叔好德晉國之眾皆附焉昭
侯七年晉大臣潘父弑昭侯迎桓叔晉人發兵攻
桓叔不果入敗還曲沃晉人立昭侯子孝侯平誅
潘父孝侯八年桓叔卒子鰈代是為曲沃莊伯孝
侯十五年為莊伯弑晉人復立孝侯子郟是為鄂

侯鄂侯居翼二年入春秋莊伯居曲沃十一年十
一月入春秋蓋用夏正為歲首不惟改元又改歷
矣至武公并晉又都絳後徙新田今絳縣復命新
田為絳以絳為故絳至定公午三十一年獲麟又
傳六代為三卿分其地

翼鄂侯

名郟孝侯子二年入春秋在位六年隱五年奔隨立其子光六年復入居鄂

曲沃莊伯

名鰈桓叔子十一年十一月入春秋隱十一年卒在位十七年

隱五左傳

年

曲沃莊伯以鄭人邢人伐翼王使尹氏武氏

助之翼侯奔隨曲沃叛王秋王命虢公伐曲沃而立哀侯于翼

六左傳

年

翼九宗五正頃父之子嘉父逆晉侯于隨納

諸鄂晉人謂之鄂侯

翼哀侯

各光鄂侯子隱六年即位
在位九年桓三年為武公獲次
年殺之謚法恭仁短折曰哀

桓二左傳

初晉穆侯之夫人姜氏以條之役生大子命之曰仇其弟以千畝之戰生命之曰成師惠之四十五年晉始亂故封桓叔于曲沃靖侯之孫欒賔傳之惠之三十年晉潘父弑昭侯而納桓叔不克晉人立孝侯惠之四十五年曲沃莊伯伐翼弑孝侯翼人立其弟鄂侯鄂侯生哀侯哀侯侵陘庭之田陘庭南鄙啟曲沃伐翼

曲沃武公

名稱莊伯鯀之子隱八年即位
莊十七年卒在位三十八年謚法威彊敵德曰武

桓三左傳

春曲沃武公伐翼次于陘庭
韓萬御戎梁鴻為右逐翼侯于汾隰驂絳而止夜獲之及欒共叔

翼小子侯

哀侯子哀侯既獲晉人立之
桓四年即位七年為曲沃武公殺在位四年禮天子未除喪曰余小子生名之死亦名之蓋取此義也

桓七左傳

冬曲沃伯誘晉小子侯殺之
左傳 春滅翼 冬王命虢仲立晉哀侯之弟緡于

八年左傳

翼緡侯

哀侯弟桓八年即位
在位二十七年為武公滅

桓九左傳

秋虢仲芮伯梁伯荀侯賈伯伐曲沃
莊十左傳 王使虢公命曲沃伯以一軍為晉侯
六年 初

晉武公伐夷執夷詭諸薦為國請而免之既而弗報故子國作亂謂晉人曰與我伐夷而取其地遂以晉師伐夷殺夷詭諸周公忌父出奔虢惠王立而復之

獻公

名倮諸武公子莊十八年即位僖九年卒在位二十六年謚法博聞多能曰獻

莊十左傳

春虢公晉侯朝王

虢公晉侯鄭伯使原莊

公逆王
后於陳

二十左傳

晉桓莊之族偪獻公患之士薦曰去富子則群公子可謀也已公曰爾試其事士薦與群公子謀諸富子而去之

二十左傳

晉士薦又與群公子謀使殺游氏之二子士薦告晉侯曰可矣不過二年君必無患

二十左傳

晉士薦使群公子盡殺游氏之族乃城聚而

處之冬晉侯圍聚盡殺群公子

二十左傳

春晉士薦為大司空夏士薦城絳以深其宮秋虢人侵晉冬虢人又侵晉

二十左傳

晉侯將伐虢士薦曰不可虢公驕若驟得勝于我必棄其民無眾而後伐之欲禦我誰與

二十左傳

晉獻公娶于賈無子烝於齊姜生秦穆夫人及太子申生又娶二女於戎大戎狐姬生重耳小戎子生夷吾晉伐驪戎驪戎男女以驪

姬歸生奚齊其娣生卓子驪姬嬖欲立其子賂外嬖梁五與東關嬖五使言于公曰曲沃

君之宗也蒲與二屈君之彊也不可以無主晉侯說之夏使太子居曲沃重耳居蒲城夷

吾居屈群公子皆鄙唯二姬之子在絳二五卒與驪姬譖羣公子而立奚齊晉人謂之二

五

閔元左傳

晉侯作二軍公將上軍太子申生將下軍趙夙禦戎畢萬為右以滅耿滅霍滅魏還為太子城曲沃賜趙夙耿賜畢萬魏以為大夫士

薦曰太子不得立矣

二左傳

晉侯使太子申生伐東山臯落氏

僖二夏虞師晉師滅下陽

五年春晉侯殺其世子申生冬晉人執虞公

八年夏狄伐晉

九年秋九月甲子晉侯倮諸卒冬晉里克殺其君之子奚齊

子奚齊

左傳

晉郤芮使夷吾重賂秦以求入

十年春晉里克弑其君卓及其大夫荀息

惠公

名夷吾獻公子九年獻卒子奚齊立弑弟卓子立又弑遂自秦求入僖十年即位實十四年卒十五年者從告魯也謚法柔質受諫曰惠

僖十夏晉殺其大夫里克

左傳

晉侯改葬共太子

十一年春晉殺其大夫平鄭父

左傳

天王使召武公內史過賜晉侯命受玉情過歸告王曰晉侯其無後乎王賜之命而情于受瑞先自棄也已其何繼之有秋晉侯平

十三年左傳

冬晉薦饑使乞糴于秦秦於是乎輸粟于晉自雍及絳相繼命之曰汎舟之役

十四年秋八月辛卯沙鹿崩

左傳

冬秦饑使乞糴于晉晉人弗與

十五年冬十有一月壬戌晉侯及秦伯戰于韓獲晉侯

十六年左傳

秋狄侵晉取狐厨受鐸涉汾及昆都因晉敗也

十七年左傳

夏晉太子圉為質於秦秦歸河東而妻之惠公之在梁也梁伯妻之梁嬴孕過期卜招父與其子卜之其子曰將生一男一女招曰然

男為人臣女為人妾故名男曰圉女曰妾及子圉西質妾為宦女焉

二十二年左傳

晉太子圉質於秦將逃歸謂嬴氏曰與子歸乎對曰子晉太子而辱于秦子之欲歸不亦宜乎寡君之使婢子侍執巾櫛以固子也從子而歸棄君命也不敢從亦不敢言遂逃歸

二十四年冬晉侯夷吾卒

晉之見經也始於滅夏陽夏陽虢都也晉與虞虢皆

姬姓同出于周其國相隣虢在虞南晉在虞北虞介

晉虢之間晉兼虢乃可舉虞舉虞虢乃可圖河南獻

公所以先滅夏陽也魯僖公二年虞師晉師滅夏陽

五年晉人執虞公不三年二國俱亡晉何善滅人國

哉。晉昭侯文侯子也。桓叔文侯弟也。昭侯都翼。桓叔封曲沃。其邑反。大傳及武公遂并晉而有之。蓋桓叔弑孝侯。昭伯伐鄂侯。武公弑哀侯。并其弟緡侯。子小子侯俱滅焉。三世弑逆。專賊本支。獻公脩其術。國日强大。其視滅同姓猶掇也。于虞虢乎。何有春秋惡晉之不仁。首書滅夏陽。累世强暴。殆于此託始焉。獻公在位二十六年。破驪戎。伐臯落。敗狄采桑。滅耿。霍。魏。以及虞。虢。跡其行事。辟地喜兵。蠶食無厭。亦功名强立之主也。乃驪姬惑申生死夷吾。重耳奔身歿。而二寵子俱殺。君子傷之。唐風十二篇刺晉獻公者二。葛

生刺其好攻戰也。采芴刺其好聽讒也。讒人者何。驪姬也。姬不欲太子之近公也。則謀出之外。慮出于外。之無名也。則賂二五。說公使之守曲沃。既出之外矣。欲加以罪。則說使伐翟。委之以兵。勝則曰得衆。敗則曰覆師。文而致之。殺謀成矣。慮大臣之爭也。則使優施說里克。要其中立。而身則朝夕公側。陽譽之。陰譖之。歌舞涕泣。使公之志決出于殺。然後毒胙發而公不及察。太子不及辨也。荀息里克不鄭皆晉卿也。公疾以驪姬子奚齊屬。息許以死。公薨。里克殺奚齊。于次。息立卓子克。又殺之。息亦死焉。論者曰。公殺太

子息爲大臣不能顯諍反奉其嬖子而立之死非其
正不得同于孔父仇牧之爲君死也然息之受託在
公病時太子亡久國中無主頓首寄命非從君昏白
圭之義可無爽乎里克痛太子之死惡女戎之讒憤
殺二子國人欲之然奚齊驪姬之子卓子其弟子也
姬之罪不及其娣奚齊之罪不及卓子春秋子奚齊
則獻公寵殺之過著君卓子則里克專弑之罪彰矣
重耳夷吾在外國人所欲立也夷吾賂秦遂得先入
里克丕鄭皆臣之矣夷吾殺之其稱辭曰弑二君與
一大夫然二君一大夫夷吾讐也克殺其讐奚其憾

彼所憾者以二臣志在重耳也重耳長而賢其出亡
也國士多從之奚卓旣死次在重耳二臣志也夷吾
乘間入國二臣勉下之中必不服夷吾探其情而先
施刑焉忌克性成秦人固知之矣秦穆姬屬賈君而
烝之許納群公子而閉之賂中大夫而背之晉所怨
也負河外之五城而不與忘汎舟之輸粟而閉糴秦
所怨也此夷吾者怨于秦晉內外絕矣戰韓被獲其
誰憐焉身死子戮門庭伏尸又將見也昔桓叔莊伯
武公之君曲沃也日翦文侯之子孫惟恐不盡獻公
立又患桓莊之族偪謀于士蔣譖富子殺游氏群公

春秋列國傳卷四
子殄滅無遺彼惟恐人之害其子也是以不辭殘賊
孰知驪姬一入二五成耦殺其子者即獻公也董生
云為人君父而不通春秋之義者必蒙首惡之名於
晉獻公尤明徵夫

文公

各重耳惠公兄僖二十四年入晉殺姪懷
公二十五年即位三十二年卒在位八年

謚法學勤
好問曰文

僖二左傳

十四年

春王正月秦伯納之不書不告人也濟河圍
令狐入桑泉取白衰二月甲午晉師軍于廬
柳秦伯使公子繫如晉師師退軍于郇辛丑
狐偃及秦晉之大夫盟于郇壬寅公子入于
晉師丙午入于曲沃丁未朝于武宮戊申使
殺懷公于高梁不書亦不告也呂卻畏偏將
焚公宮而弑晉侯寺人披請見以難告三月

晉侯潛會秦伯于王城巳丑晦公宮火瑕甥
卻芮不獲公乃如河上秦伯誘而殺之晉侯
逆夫人嬴氏以歸

二十左傳

五年

秦伯師于河上將納王狐偃言于晉侯曰求
諸侯莫如勤王晉侯辭秦師而下三月甲辰
次于陽樊右師圍溫左師逆王夏四月丁巳
王入于王城取大叔于溫殺之于隰城戊午
晉侯朝王王饗醴命之宥請隧弗許冬晉
侯圍原命三日之糧原不
降命去之退一舍而原降

二十八年春晉侯侵曹晉侯伐衛 楚人救衛 三月丙

午晉侯入曹執曹伯畀宋人 夏四月巳巳晉侯

齊師宋師秦師及楚人戰于城濮楚師敗績 五

月癸丑會晉侯齊侯宋公蔡侯鄭伯衛子莒子盟

于踐土 六月衛侯鄭自楚復歸于衛衛元咺出
奔晉 冬公會晉侯齊侯宋公蔡侯鄭伯陳子莒
子邾子秦人于溫 天王狩于河陽 晉人執衛
侯歸之于京師衛元咺自晉復歸于衛 諸侯遂
圍許曹伯襄復歸于曹遂會諸侯圍許

左傳

晉侯作三行以禦狄荀林父將中行屠擊將
右行先蔑
將左行

二十九年夏六月會王人晉人宋人齊人陳人蔡人秦人
盟于翟泉

三十一年秋晉人秦人圍鄭 冬公子遂如京師遂如晉

三十一年春公子遂如晉

左傳

秋晉蒐於清原作五軍以禦狄趙衰爲卿

三十二年冬十有二月己卯晉侯重耳卒

左傳

春楚鬬章請平于晉晉陽處父報之晉楚始
通

晉惠公夷吾立十四年而卒文公重耳入年已六十
二矣殺子圉納懷嬴其事不可盡信然重耳兄也夷
吾弟也夷吾攘晉又使寺人披殺文公弟道先絕能
責其兄無報哉齊桓公殺子糾春秋不以病霸晉圍
存亡於文公奚累焉周襄王以叔帶之難出居于鄭

王室之大變也。楚頹以陳侯、蔡侯、鄭伯、許男圍宋，中國之大害也。晉欲謀霸，必先納王。既納王，必先制楚。然納王易，制楚難。文公君臣慮之熟矣。齊桓之時，楚雖猾，夏攻鄭，伐蔡，禍在邇國，未敢直驅中原。逮乎晉文，楚則盟齊，會孟戰泓，圍緡，宋襄被執，齊孝聽命。諸夏之君，莫能與抗。非謀定後戰，一創立決，不足以折強銳，立霸功也。齊桓伐楚，取服而已。召陵既盟，大師不出，楚間滅弦，誘鄭累年，撓霸齊，以其無禍中國，且姑聽之。晉文連齊約秦，專以威楚為業，其計必出于致楚之來，合二國攻之。楚始敗，衄懼不復逞，楚方圍

宋，晉欲救之，與楚搏戰。齊秦未集，未可要其速勝也。知楚善曹衛，乃分兵掠曹，以搖四國之心。聲言伐衛，以來楚頹之救。楚欲救衛，必釋宋圍。及楚釋宋而來，晉又不與戰也。引師入曹，執曹共公，以畀宋人。楚使人請復衛侯而封曹也。晉又私許復曹衛，使告絕于楚，以離其心。楚徘徊于宋衛之間，進退未審，而齊秦之師已集。晉始與楚決戰，敗之城濮，是役也。楚圍宋而不得，宋一困也。庇曹衛而反，失曹衛二困也。晉不救宋而宋圍已解，一利也。伐曹衛而反，得曹衛二利也。也。欲致楚而楚來三利也。遷延以待齊秦之師，而齊

春秋列國論卷四
秦至四利也。晉以四利攻楚，二困安得不敗。楚既敗，諸侯益服于晉。晉乃會盟諸侯，以朝王。一年之內，破強夷，獎天王，諸夏景從，威取霸，定較之。齊桓公經營幾十年而後盟，召陵會葵丘者，遲速譎正，亦各以時哉。儒者謂踐土之盟，諱下勞，溫之會，諱召王，晉無人臣禮，罪在不恕。抑王久蒙塵，晉侯納之，報功下勞，體非過貶。踐土之事，傳詳記之，不足諱也。溫之會，晉帥諸侯朝王，周力未能，恐有叛者，乃使人言王狩于河陽。史記所書亦實錄也。襄王出奔，五載文物盡廢，一朝反旆，滑洛多虞。諸侯來朝，王出就見，晉命列國整

師徒，飭扈，從以待天王。降臨蒐狩，講武如宣王東都之禮。車攻馬同，春秋榮之。卽不然，天子之辭所在，稱幸入稱警，出稱蹕，食稱膳，進稱御，王下見而稱狩，亦嘗詞耳。晉曷有罪焉。仲尼曰：以臣召君，不可以訓。所謂不可訓者，爲後世戒也。伊尹放桐，周公居攝，功著社稷，聖人猶取其心，諱其事，恐後世亂賊之藉口也。况晉文公使王狩乎。仲尼以一言立萬世之防，而學者卽取以獄。當日之伯，豈其平哉。踐土、河陽，鄭伯俱在，忽盟于翟泉，以謀伐之，謂貳于楚也。然同盟之君，遽以兵終，適損霸盛。秦亦揣晉志而疑之，私許鄭和。

是故晉文圍鄭與齊桓伐陳有同譏焉且文之末年
鬪章請平陽處父往報晉楚始通其齒衰其志改矣
何責于鄭此又春秋所隱也

襄公

名驪文公子僖三十三年即位文六年卒在位七年謚法甲冑有勞曰襄

僖三十三年

夏四月辛巳晉人及姜戎敗秦于殽 癸巳

葬晉文公 冬晉人陳人鄭人伐許

文元年

夏晉侯伐衛 衛人伐晉

春王二月甲子晉侯及秦師戰于彭衙秦師敗績

三月乙巳及晉處父盟 夏六月公孫敖會宋

公陳侯鄭伯晉士穀盟于垂隴 冬晉人宋人陳

人鄭人伐秦

春王正月叔孫得臣會晉人宋人陳人衛人鄭人

伐沈沈潰 夏秦人伐晉 冬公如晉 十有二

月巳巳及晉侯盟 晉陽處父帥師伐楚以救江

秋晉侯伐秦

左傳

春晉人歸孔達于衛以為衛之良也故免

之夏衛侯如晉拜曹伯如晉會正

夏公孫敖如晉

左傳

晉陽處父聘于衛反過甯甯羸從之及溫而

還其妻問之羸曰以剛

春秋列國記 卷四
六。秋季。孫行父如晉。八月乙亥。晉侯驩卒。冬十

月。公子遂如晉。葬晉襄公。

左傳

晉趙成子欒貞子霍伯曰季皆卒

秦。晉之爭。自殺之役始也。說者咸咎晉襄公在喪。卽戎不報秦施厄人于險。然文公方薨。秦師卽出。秦自魯僖三十年秋。從晉圍鄭。涉中原。識形阻自周而東。將圖襲鄭。洩于弦高。因便入滑。其還也。非晉乘之。秦之用兵。豈止晉鄙哉。長驅而下。東諸侯之國。必受其敝。今幸晉勝。諸侯利也。白狄子來寇。郤缺獲之。晉文之霸。許獨不至。襄惡其恃楚也。帥宋陳鄭伐之。李廉

曰。襄公新立。夏戰。殺以却秦。秋敗箕。以翦狄。冬伐許。以離楚。一年而退三敵。其善繼文業者哉。魯文公二年春。秦孟明視伐晉。晉侯敗之于彭衙。冬。晉先且居。宋公子成陳轅選鄭公子歸生伐秦。取汪及彭衙。而還。三年夏。秦伯伐晉。濟河焚舟。取王官及郊。四年秋。晉圍祁新城。以報王官之役。襄公在位七年。與秦戰者五。不勝者一。春秋于晉敗秦。則詳之于秦敗晉。則畧之。晉稱侯。秦稱人。亟扶霸而抑戎也。寧譏負德哉。然其年短。其烈卑。君子惜之。一曰不能伐楚。一曰政在大夫。襄公初年。陽處父侵蔡。楚子上救之。與晉師

春秋左傳卷四
夾。泝。而。軍。陽。子。患。之。求。紆。以。退。時。楚。成。雄。長。久。未。可。
問。也。及。商。臣。爲。亂。弑。君。自。立。則。天。下。賊。矣。以。大。國。而。
討。蠻。夷。霸。君。而。誅。亂。賊。齊。桓。晉。文。有。其。志。無。其。時。也。
乃。銳。方。見。于。伐。沈。師。已。頓。于。救。江。沈。姬。姓。小。國。也。卽。
其。君。有。道。臨。以。六。國。之。師。無。不。靡。也。無。道。而。潰。寧。足。
爲。晉。武。哉。楚。子。以。伐。沈。之。役。怒。而。圍。江。晉。侯。何。在。五。
國。之。師。何。在。僅。令。陽。處。父。帥。師。以。出。文。門。于。方。城。遇。
息。公。子。朱。而。還。名。雖。救。江。實。避。楚。也。自。是。楚。人。滅。江。
滅。六。肆。焉。無。忌。秦。伯。矜。滅。同。盟。臧。文。仲。哀。臯。陶。不。祀。
晉。哀。如。焉。先。一。已。之。怨。而。後。天。下。之。惡。秦。近。畏。逼。楚。

遠。若。忘。甚。矣。襄。公。之。無。志。也。晉。文。季。年。衛。成。公。不。朝。
襄。公。旣。祥。謀。伐。之。先。且。居。請。朝。王。于。溫。然。後。伐。衛。取。
戚。獲。孫。昭。子。垂。隴。之。會。陳。侯。爲。衛。請。成。于。晉。執。孔。達。
以。說。旣。而。晉。人。歸。達。衛。侯。如。晉。拜。左。氏。之。志。此。也。明。
晉。尊。王。以。服。諸。侯。也。然。朝。溫。之。舉。春。秋。不。書。或。者。朝。
王。義。名。也。伐。衛。晉。私。也。經。不。聽。晉。之。以。義。文。私。故。削。
之。歟。且。晉。侯。伐。衛。衛。人。亦。伐。晉。衛。成。公。用。甯。俞。以。治。
國。能。自。強。矣。晉。安。得。下。之。陽。處。父。之。伐。楚。以。救。江。也。
晉。亦。嘗。告。于。周。欽。師。速。退。不。成。義。兵。經。無。書。焉。伐。衛。
告。王。其。不。足。書。猶。是。也。魯。文。三。年。春。三。月。及。晉。處。父。

盟夏六月公孫敖會宋公陳侯鄭伯晉士穀盟于垂隴會盟大事也襄公不親委于大夫下之私交啟上之霸德衰四方其見之矣諸侯不附楚日以逞未耄期而倦勤身亦忽諸欲如墨衰視師時獲秦三帥歸葬先公惡可得乎

靈公

名夷臯襄公嫡子文七年即位宣三年

文六年

冬晉殺其大夫陽處父

晉狐射姑出奔狄

七年

夏四月戊子晉人及秦人戰于令狐晉先蔑奔秦

秋八月公會諸侯晉大夫盟于扈

八年

冬十月壬午公子遂會晉趙盾盟于衡雍

左傳

春晉侯使解楊歸匡戚之田于衛且復致公壻池之封自申至于虎牢之竟夏秦人伐晉取武城以報令狐之役

九年春晉人殺其大夫先都 晉人殺其大夫士穀及

箕鄭父 楚人伐鄭公子遂會晉人宋人衛人許

人救鄭

十年夏秦伐晉

十一年夏叔仲彭生會晉卻缺于承匡

十二年冬十有二月戊午晉人秦人戰于河曲

十三年冬公如晉 十有二月己丑公及晉侯盟

左傳

春晉侯使詹嘉處瑕以守朮林之塞 晉人

春秋列國論

卷四

十六

患秦之用士會也乃使魏壽餘僞以魏叛者以誘士會執其帑于晉使夜逸請自歸于秦秦伯許之既濟魏人謀而還秦人歸其帑其處者為劉氏

十四年夏六月公會宋公陳侯衛侯鄭伯許男曹伯晉

趙盾癸酉同盟于新城 秋晉人納捷菑于邾弗

克納

十五年春季孫行父如晉 夏晉卻缺帥師伐蔡戊申

入蔡 秋季孫行父如晉

十七年春晉人衛人陳人鄭人伐宋 夏六月諸侯會

于扈

宣元年夏晉放其大夫胥甲父于衛 秋晉趙盾帥師

救陳 宋公陳侯衛侯曹伯會晉師于蕞林伐鄭

冬晉趙穿帥師侵崇 晉人宋人伐鄭

二年春秦師伐晉 夏晉人宋人衛人陳人侵鄭 秋

九月乙丑晉趙盾弑其君夷臯

晉襄公薨春秋即書晉殺陽處父狐射姑出奔靈公

立又書晉殺先都士穀及箕鄭父說者謂其謀皆出

于趙盾今以傳攻之陽處父先克黨盾者也盾何憾

而殺之晉蒐于夷中軍之選屬之狐射姑與士穀梁

益耳矣箕鄭父先都又將登上軍矣晉侯以處父與

克之言升盾而退諸大夫大夫交怨二人俱遭賊殺

盾因而竟獄焉。處父之死，射姑出奔時，襄公初薨，立君未定，無暇執殺人者而問之也。賊殺先克，靈公即位已三年矣。政繇趙氏，生殺以斷，先都諸臣能無死乎？盾以能新貴，國人未協，方欲引株披根，樹威於眾。而諸大夫恃故，舊輕少主，比周爭權，紛然妄殺盾外。為國家立法，內為二人報讐，執而誅之，何辭以對？是故陽處父黨盾而死，先都諸臣惡盾而死，死死非為國殺，無主名比而同之，盡稱國以殺，不去其官。此春秋之權衡也。楚自城濮之敗，十五年來，兵不及鄭，忽然稱伐，窺晉懈也。晉救鄭，鄭請平，新城同盟，鄭知服矣。

久之而晉兩伐鄭，一侵鄭，鄭終為楚役也。令狐之戰，晉却秦，納公子雍也。河曲之戰，秦取羈馬，晉人禦也。甚而趙穿侵崇，以求成秦師，伐晉而圍焦，則晉長屈于秦矣。晉文反國，秦穆助之，楚成猾夏，晉文攘之，秦晉親也。楚晉敵也，自殺之戰，至于河曲，秦與晉六交兵。楚反，休息無事，蠶食坐大，是楚莊之霸，秦晉成之也。齊懿公商人弑其君，舍晉盟諸侯于扈，以謀伐之。不克而還，宋人弑其君，杵臼立，文公鮑晉合三國之師，伐之，反為立君，會諸侯于扈，以平之，納賂故也。納賂者，誰趙盾也。晉納賂而平宋，鄭乃敢背晉而侵宋。

春秋列國論卷四
裴林之役。楚囚晉解揚。大棘之戰。鄭獲宋華元。助逆致敗辱莫大焉。猶託救陳以求義名。春秋不許也。河曲無功。罪先趙穿。獨放胥甲。父盾庇穿也。侵崇召寇。穿乃日恣其勢。不至弑君不止矣。苑園之變。或謂盾志在弑公。以兵與穿。穿承盾志而為逆。春秋誅盾無辭。首惡然盾在家居。處節入朝。好強諫弑君。非盾志也。而馴君子弑。則盾啟之。襄公薨時。國人欲立長君。盾因衆心而逆。公子雍為社稷計。善矣。迫于穆嬴。勉立靈公。君在襁褓。未知訓誨。早諭教。近正人。免于過戾。大臣職也。盾不是務而專圖報復。殺大夫以立威。

合諸侯以求好。扈盟既成。衡雍繼會。四方知有盾。不知有晉君也。楚當討也。而不敢伐。秦可和也。而亟與戰。齊宋弑逆之國也。而皆受其賂。邾捷菑少不當立者也。而強為之納。楚人輕晉。則曰北方可圖。鄭穆叛晉。則曰晉不足與。伯業日衰。盾之罪也。趙穿族子。君僭貴寵。握兵出構。釁入偪主。盾不能去也。而反縱之。夫不仁之君在上。不仁之臣在下。兩不仁者並處。鮮有不害者也。盾於國不匡。靈公以正於家。不教穿以義。履霜堅冰。遂馴逆節。坐盾以弑夫。豈過乎。

成公

名黑臀。文公子靈公季父。宣三年即位。九年卒。在位七年。謚法安民立政曰成。

宣二左傳

初麗姬之亂詛無畜羣公子自是晉無公族及成公即位乃宦卿之適而為之田以為公族又宦其餘子亦為餘子其庶子為公行晉于是有公族餘子公行趙盾以括為公族曰君姬氏之愛子也微君姬氏則臣狄人也公許之冬趙盾為旄車之族使屏季以其族為公族大夫

三年左傳

晉侯伐鄭及邲鄭及晉平士會入盟

六年春晉趙盾衛孫免侵陳

左傳

秋赤狄伐晉圍懷及邢丘晉侯欲伐之中行桓子曰使疾其民以盈其貫將可殪也

七年左傳

赤狄侵晉取向陰之禾

八年夏晉師白狄伐秦

左傳

晉胥克有蠱疾郤缺為政秋廢胥克使趙朔佐下軍

九年秋九月晉侯宋公衛侯鄭伯曹伯會于扈晉荀林父帥師伐陳

辛酉晉侯黑臀卒于扈

成公在位七年兩會諸侯春秋幸焉曰靈公無道文

襄業衰盟會皆出大夫至成公立一會于黑壤再會

于扈皆君行卿從中國其猶有霸乎黑壤之會魯宣

公被執或疑其不怨然晉侯新立魯不朝聘又歲適

齊焉是但德齊之立已而忘晉為盟主也因會而止

之魯實有尤非晉咎也靈公之季楚鄭侵陳晉趙盾

嘗帥師救之矣。成公立而盾與衛孫免侵陳者以陳
卽楚也。黑壤之會陳既不與。扈之會晉與宋公衛侯
鄭伯曹伯止于衛以待陳。而陳又不至。荀林父之師
所以來也。鄭嘗從楚。侵陳。晉怒而加兵。裴林以後師
凡再舉。及邲請平黑壤與會。晉無討焉。鄭晉所惡也。
陳晉所字也。設陳懲卽楚之失。反而從晉。晉之與陳
也。必親于鄭胡爲乎。不悔也。靈公時趙穿侵崇。秦弗
與。成遂有圍焦之師。今則白狄及晉平會而伐秦。是
師也。晉主之乎。白狄主之乎。苟白狄主而晉從。是降
也。苟晉主而白狄從。是非所與而與也。二者皆有譏

焉。赤狄伐晉。圍懷及邢。丘明年又取向陰之禾。晉用
中行桓子謀。尚能忍之。何讐于秦而尋兵。若是晉厲
公之使呂相絕秦也。有曰白狄及君同州。君之仇讐
而我之昏姻也。然則成公之世。晉已昏狄乎。讐秦可
也。昏狄以讐秦下矣。魯宣公之爲襄仲所立也。罪在
弑逆。晉不能討。而僅責其慢盟之小過。得賂而卽免。
鄭公子歸生弑其君夷也。晉師不出。而兩會同焉。豈
成公者。趙盾立之。趙穿迎之。國有賊不能問也。且心
德焉。諸侯其皆恕矣乎。雖然。政在趙氏矣。卽欲出而
討賊。趙氏弗從也。

景公

名孺成公子宣十年即位成十年卒在位十九年謚法布義行剛曰景

宣九年冬楚子伐鄭晉卻缺帥師救鄭

十年夏晉人宋人衛人曹人伐鄭

十一年秋晉侯會狄于橫函

十二年夏六月乙卯晉荀林父帥師及楚子戰于邲晉

師敗績冬晉人宋人衛人曹人盟于清丘

左傳

秋晉師歸桓子請死晉侯欲許之士貞子諫曰不可晉侯使復其位

十三年冬晉殺其大夫先穀

十四年夏晉侯伐鄭

十五年夏六月癸卯晉師滅赤潞氏以潞子嬰兒歸秦

人伐晉

左傳

晉侯賞桓子狄臣千室亦賞士伯以瓜衍之縣晉侯使趙同獻狄俘于周不敬

十六年春王正月晉人滅赤狄甲氏及留吁

十七年夏六月巳未公會晉侯衛侯曹伯邾子同盟于

斷道

左傳

秋八月晉師還范武子請老卻獻子為政

十八年春晉侯衛世子臧伐齊秋公孫歸父如晉

成元年夏臧孫許及晉侯盟于赤棘

左傳

春晉侯使瑕嘉平戎于王

二年夏六月癸酉季孫行父臧孫許叔孫僑如公孫嬰

齊帥師會晉郤克衛孫良夫曹公子首及齊侯戰

于鞍齊師敗績

左傳

公會晉師于上鄆賜三帥先路三命之服司馬司空輿帥侯正亞旅皆受一命之服 晉侯使鞏朔獻齊捷于周

三年春王正公會晉侯宋公衛侯曹伯伐鄭 夏公如

晉 秋晉郤克衛孫良夫伐廧咎如 冬十有一

月晉侯使荀庚來聘 丙午及荀庚盟

左傳

晉人歸楚公子穀臣與連尹襄老之尸于楚

以求知營於是荀息佐中軍矣故楚人許之十二月甲戌晉作六軍韓厥趙括鞏朔韓穿荀騅趙旃皆為卿賞鞍之功也

四年夏公如晉

左傳

晉趙嬰通于趙莊姬

五年夏叔孫僑如會晉荀首于穀梁山崩 冬十有二

月巳丑公會晉侯齊侯宋公衛侯鄭伯曹伯邾子

杞伯同盟于蟲牢

六年夏公孫嬰齊如晉 冬季孫行父如晉 晉欒書

帥師救鄭

左傳

春鄭伯如晉拜成 夏四月丁丑晉遷于新

田

年七秋楚公子嬰齊帥師伐鄭公會晉侯齊侯宋公衛侯曹伯莒子邾子杞伯救鄭八月戊辰同盟于馬陵冬衛孫林父出奔晉

左傳

鄭子良相成公以如晉見且拜師

年八春晉侯使韓穿來言汶陽之田歸之于齊晉欒

書帥師侵蔡晉殺其大夫趙同趙括冬晉侯

使士燮來聘叔孫僑如會晉士燮齊人邾人伐邾

左傳

晉侯使申公巫臣如吳

年九春公會晉侯齊侯宋公衛侯鄭伯曹伯莒子杞伯

同盟于蒲夏晉人來媵秋晉人執鄭伯欒書

帥師伐鄭冬秦人白狄伐晉

左傳

晉侯觀于軍府見鍾儀范文子曰楚囚君子也君盍歸之使合晉楚之成公從之十二月楚子使公子辰如晉報鍾儀之使請脩好

年十夏五月公會晉侯齊侯宋公衛侯曹伯伐鄭丙

午晉侯孺卒秋七月公如晉

左傳

晉侯使糴莩如楚報大宰子商之使也

晉景之世書同盟者五盟于清丘晉原穀宋華椒衛

孔達曹人同焉其言曰恤病討貳未幾宋伐陳衛救

之不討貳也。楚伐宋，晉不救，不恤病也。春秋惡其不實也。貶國卿而人之盟于斷道，謀齊也。前者魯行父，晉卻克，衛孫良夫，曹公子首，同日使齊，皆見笑辱，無惑乎卻克一怒，三國盡從也。是會也。齊之高固及欽孟而逃，晏弱蔡朝南郭偃至，卷楚而執兵端見矣。盟于蟲牢，鄭服也。邲戰以後，鄭專從楚，今以許靈之隙，訟于楚而不勝，始來請成，晉之利也。盟于馬陵，楚伐鄭，晉合諸侯救之，既勝而後同盟也。盟于蒲，晉有懼心焉。晉失信于魯，諸侯皆貳，不得已而尋盟也。夫敗于邲而盟，清丘欲與齊戰而盟，斷道魯鄭將叛而盟。

蒲三盟者皆非春秋所善服而會則蟲牢善矣。救而會則馬陵尤善矣。景公在位十九年，大戰有二，邲之戰，晉師以救鄭而出，鄭與楚平，荀林父欲還，先穀趙旃不從，遂至敗績，鞍之戰，卻克怒齊婦人之笑也。解張善御，大敗齊師，齊楚大國並，晉匹也。一勝一負者，楚莊賢而齊頃弱也。晉與齊鬪，非其君之志。卻克實主之，克使于齊，婦人笑于房，克怒誓諸河，伯歸請伐齊，晉侯弗許，請以其私屬，又弗許。及范武子老，克爲政，乃有陽穀之師。然繒盟，彊質，晉師卽還。景公固曰：克之怨不足煩國也。齊伐魯，北鄙衛敗于新築，二國

春秋左傳卷四
告難師出有名克遂以八百乘敗齊于華不注之山
虺磬入晉汶陽之田歸魯袁婁盟而晉憾釋矣終景
之身不復加兵于齊蟲牢馬陵同盟以後晉且使韓
穿來魯請以汶陽之田歸齊自是伐郟盟蒲齊無不
從二國之怨淺也晉楚爲怨其日久矣師之興也皆
以爭鄭故鄭從晉則楚伐之從楚則晉伐之郟缺欒
書今日救鄭明日卽伐鄭郟戰敗而貳心蟲牢盟而
不固至執鄭伯于銅鞮鄭人立君晉復率諸侯伐之
而歸鄭伯焉晉之困鄭蓋二世矣然亦終無如楚何
也郟戰不振未敢用兵所示不忘者僅一侵蔡而已

卽侈晉强者謂潞子嬰兒之歸甲氏留吁之滅虜咎
如之伐晉能威遠狄也魯仲孫蔑叔孫僑如以晉命
而侵宋衛黑背以晉命而侵鄭宋方辭會而衛人從
討郟方事吳而三國會伐晉能威中國也顧于楚則
未有問也蒲之盟莒子同焉楚人伐莒晉莫能救也
秦人白狄緣隙爲寇晉德其衰乎先穀先軫之孫也
卽有違命召狄之罪刑不至族也趙同趙括成季宣
孟之後也莊姬淫人譖而殺之國人不服也左氏稱
晉侯病薨繇夢大厲厲者趙氏先祖也言雖不足信
亦可爲人君妄殺者戒云

厲公

名州蒲景八公子成十年五月景公立為君
伐鄭成十一年即位十八年弒在位八年
謚法殺戮無辜曰厲

成十年春晉侯使卻犇來聘己丑及卻犇盟

左傳

晉卻至與周爭鄆田王命劉康公單襄公訟
諸晉晉侯使卻至勿敢爭宋
華元合晉楚之成秦伯背晉成

十二年春周公出奔晉夏公會晉侯衛侯于瑣澤

秋晉人敗狄于交剛

左傳

晉卻至如楚聘且涖盟十二月晉侯及楚公
子罷盟于赤棘

十三年春晉侯使卻錡來乞師夏五月公自京師遂

會晉侯齊侯宋公衛侯鄭伯曹伯邾人滕人伐秦

十四年夏衛孫林父自晉歸于衛

十五年春三月癸丑公會晉侯衛侯鄭伯曹伯宋世子

成齊國佐邾人同盟于戚晉侯執曹伯歸于京

師秋宋華元出奔晉宋華元自晉歸于宋冬

十有一月叔孫僑如會晉士燮齊高無咎宋華元

衛孫林鄭公子鮒邾人會吳于鍾離

左傳

晉三卻害伯宗譖而殺之及欒弗忌伯州犂
楚奔

十六年夏晉侯使欒黶來乞師甲午晦晉侯及楚子

鄭伯戰于鄆陵楚子鄭師敗績 秋公會晉侯齊侯衛侯宋華元邾人于沙隨不見公 公會尹子晉侯齊國佐邾人伐鄭 曹伯歸自京師 九月晉人執季孫行父舍之于茗丘 冬十月乙亥叔孫僑如出奔齊 十有二月乙丑季孫行父及晉郤犇盟于扈

左傳

曹人請于晉

晉侯使郤至獻楚捷于周

十七年 夏公會尹子單子晉侯齊侯宋公衛侯曹伯邾人伐鄭六月乙酉同盟于柯陵 秋九月晉侯使荀營來乞師 冬公會單子晉侯宋公衛侯曹伯

齊人邾人伐鄭 十有二月晉殺其大夫郤錡 郤至

左傳

六月戊辰士燮卒

十八年 春王正月晉殺其大夫胥童 庚申晉弑其君

州蒲

春秋之世霸國所忌者四楚吳秦狄是也晉厲公在位八年交剛敗狄鄆陵敗楚麻隧勝秦鍾離通吳功烈若此庶乎文公城濮一戰襄公箕殺二師矣乃三郤誅成匠麗難作身不免弑胡亡之暴也說春秋者曰晉主夏盟徵會討貳屢用諸侯之師未嘗書乞獨

厲公于魯伐秦而使郤克戰楚而使欒黶伐鄭而使荀罃三書乞師卑詞感魯不名霸令晉且貶矣何強之有然郤克之來魯成公如京師遂會諸侯伐秦朝王緩而從晉急晉親魯無間欒黶乞師魯慮僑如穆姜之亂待于壞墮申宮做備攝守後行不及鄆陵之期會于沙隨僑如譖入晉怒不見公文執季孫行父舍于茗丘郤隼盟扈公始得反伐鄭復從晉乃怒之晉之役魯喜怒自為非肯降節以下人者也且晉三乞師必以魯三伐鄭必以王臣周魯之弱晉所知也而必會之者魯宗國之望王臣諸侯與諸大夫之長

也乞師而魯至則禮之後至則責之魯不敢怠列國皆聳王臣則尹子單子或二卿並行或一卿獨出唯晉是聽嘗序於諸侯之上豈謂其強武捷鬪戰必勝攻必取哉但使從於軍中為四方觀足以令矣此晉之善於用魯侯王臣也曹成篡立而執歸京師小國服焉楚共猾夏而敗諸鄆陵大國震焉仁義為名小大並畏霸政其舉乎然立功易居功難伐秦敗楚文襄之事非厲公所能居也鄆陵之役郤至欲戰士燹曰盍釋楚以為外懼既克而反復使祝宗祈死夫城濮勝而文公霸邲戰敗而景公辱遠脩祖功近洗宗

春秋左傳卷四
取得一振於鄆陵國人皆賀燮獨憂之深者以晉禍
在內不在外也厲公侈而多嬖三郤傲而聚怨樂書
忌而善譖凡人有一于此必凶於家害於國今君臣
參會亡無日矣或有外憂錞于丁寧日夜警惕上下
戒心可以後死驟嘗大敵幸得勝焉六間之謀復出
郤氏驕至疾益是速覆也城濮之戰文公慮全後動
作王宮刑三罪退而猶有憂色楚頹殺子玉以徇伏
不敢動鄆陵遇師猝戰傷目一矢之力非有成謀共
王雖困晉三伐鄭楚救必出諸侯輒引師而還楚不
懼霸晉不憂夏夷氛自若猶無克也獻捷稱伐相矜

於朝君矜其臣則必惡臣之偏臣矜其君則必怨君
之猜嬖人胥童夷陽五長魚矯煽其惑大臣樂書助
其斷三郤之死忽焉三郤既死胥童之徒又欲劫殺
樂書荀偃厲公弗忍書偃殺童遂執公而使程滑弑
之殺三郤者厲公也而不可謂獨出於公殺胥童弑
厲公者書偃也而不可謂獨出於書偃蔽殺大夫於
國而三郤與胥童之均罪明蔽弑君於國人而書偃
之首惡著然後知晉國有憂果非楚之謂而君與大
夫之謂也善居功者功其功不善居功者功其禍春
秋論人豈徒以成敗哉

悼公

名周襄公少子捷不得立號桓叔生惠伯談談生悼公襄元年即位實成十八年在位十五年卒謚法年中早夭曰悼

成十年春公如晉 夏晉侯使士句來聘 冬晉侯使

士魴來乞師 十有二月仲孫蔑會晉侯宋公衛

侯邾子齊崔杼同盟于虛打

左傳

二月乙酉朔晉悼公即位于朝凡六官之長

皆民譽也

襄元年春仲孫蔑會晉欒黶宋華元衛甯殖曹人莒人

邾人滕人薛人圍宋彭城 夏晉韓厥帥師伐鄭

冬晉侯使荀罃來聘

二年春晉師宋師衛甯殖侵鄭 秋仲孫蔑會晉荀罃

宋華元衛孫林父曹人邾人于戚 冬仲孫蔑會

晉荀罃齊崔杼宋華元衛孫林父曹人邾人滕人

薛人小邾人于戚遂城虎牢

三年春公如晉 夏公及晉侯盟于長檣 六月公會

單子晉侯宋公衛侯鄭伯莒子邾子齊世子光已

未同盟于雞澤陳侯使袁僑如會戊寅叔孫豹及

諸侯之大夫及陳袁僑盟 冬晉荀罃帥師伐許

左傳

祁奚請老晉侯問嗣焉稱解狐其讐也將立之而卒又問焉對曰午也可于是羊舌職死矣晉侯曰孰可以代之對曰赤也可于是使

祁午為中軍尉羊舌赤佐之晉侯之弟揚
干亂竹于曲梁魏絳戮其僕晉侯以魏絳為
能以刑佐民矣反役與之禮食使佐新軍張
老為中軍司馬士富為侯奄

四年夏叔孫豹如晉 冬公如晉

左傳 無終子嘉父使孟樂如晉因魏莊子納虎豹
之皮以請和諸戎

五年春公至自晉 叔孫豹鄆世子巫如晉 秋公會

晉侯宋公陳侯衛侯鄭伯曹伯莒子邾子滕子薛
伯齊世子光吳人鄆人于戚 冬公會晉侯宋公
衛侯鄭伯曹伯齊世子光救陳

左傳 王使王叔陳生愬戎于晉晉人執之士魴如

京師言王叔
之二于戎也

六年冬季孫如晉

七年十有二月公會晉侯宋公陳侯衛侯曹伯莒子邾

子于鄆

左傳 晉韓獻子告老晉侯謂韓無忌仁使掌公族
大夫

八年春王正月公如晉 夏季孫宿會晉侯鄭伯齊人

宋人衛人邾人于邢丘 公至自晉 秋晉侯使

士匄來聘

九年夏季孫宿如晉 冬公會晉侯宋公衛侯曹伯莒

春秋列國言卷四
子邾子薛伯杞伯小邾子齊世子光伐鄭

左傳

晉侯歸謀所以息民魏絳請施舍輸積聚以貸自公以下苟有積者盡出之國無滯積亦無困人公無禁利亦無貪民所以幣更賓以特牲器用不作車服從給行之期年國乃有節三駕而楚不能與爭

十年春公會晉侯宋公衛侯曹伯莒子邾子滕子薛伯

杞伯小邾子齊世子光會吳于柤 夏五月甲午

遂滅偃陽 晉師伐秦 秋公會晉侯宋公衛侯

曹伯莒子邾子齊世子光滕子薛伯杞伯小邾子

伐鄭

十一年夏公會晉侯宋公衛侯曹伯齊世子光莒子邾

子滕子薛伯杞伯小邾子伐鄭 秋七月己未同

盟于亳城北 公會晉侯宋公衛侯曹伯齊世子

光莒子邾子滕子薛伯杞伯小邾子伐鄭會于蕭

魚 冬秦人伐晉

十二年夏晉侯使士魴來聘 冬公如晉

十三年春公至自晉

左傳

荀瑩士魴卒晉侯蒐于縣上以治兵使士魴將中軍辭曰伯游長昔臣習于智伯是以佐之非能賢也請從伯游荀偃將中軍士魴佐之使韓起將上軍辭以趙武又使欒偃辭曰臣不如韓起將上軍願上趙武君其聽之使趙武將上軍韓起佐之欒廩將下軍魏絳佐之新軍無帥晉侯難其人使其什吏率其卒乘

官屬以從于下軍禮也晉國之民是以大和諸侯遂睦

十四年春王正月季孫宿叔老會晉士匄齊人宋人衛人鄭公孫蠆曹人莒人邾人滕人薛人杞人小邾人會吳于向 夏四月叔孫豹會晉荀偃齊人宋人衛北宮括鄭公孫蠆曹人莒人邾人滕人薛人杞人小邾人伐秦 冬季孫宿會晉士匄宋華閱衛孫林父鄭公孫蠆莒人邾人于戚

左傳

師歸自伐秦晉侯舍新軍禮也成國不過半天子之軍周為六軍諸侯之大者三軍可也於是智朔生盈而死盈生六年而武子卒彘裘亦幼皆未可立也新軍無帥故舍之范宣子假羽毛于齊而弗歸齊人始貳

十五年冬十有一月癸亥晉侯周卒

十六年春王正月葬晉悼公

晉之會吳自鍾離始厲公為之也悼公繼位經又書會吳者三夫鍾離之役晉招吳撓楚率諸侯大夫會吳王壽夢於江淮之間吳後日大為中國患厲公與有罪焉春秋恕之曰無道之君未足與謀夏也悼公賢主追興霸業欲比桓文吳楚皆夷義同驅攘乃一會於戚再會于相三會於向求吳獨急且雞澤之盟迎之不至善道之會魯衛為先及乎戚則合十四國之公侯世子侯一旬吳之大夫訕體甚矣春秋何予

以霸也。荆楚地大人悍，滅諸姬，病華夏，乘勢邀利，專與霸爭。當日諸侯能敵之者，惟齊晉秦三大國。齊自桓公薨後，國亂君弱，不敢專兵伐楚。秦以殺戰讐晉，連歲搆師，反與楚合。晉獨力制楚，秦又乘之。雖城濮餘威，鄢陵新敗，楚無懼志。虐宋役鄭，惟所欲為。晉欲一舉而服之，未有隙也。吳居楚肘腋之下，盛氣方厲，巫臣啟謀，楚疲奔命。鳩茲庸浦之間，干戈日見。晉一通吳，吳益致銳于楚師，不出則擾其旁，出則議其後。楚畏吳，偪無暇與晉校。晉始得息民睦交，屢舉盟會，收宋陳，伐秦鄭，坐享霸功。是故晉三會吳，專以楚故。

權事濟變，非得已也。宋魚石入於彭城，楚鄭伐宋而入之也。時晉悼公新立，帥師救宋，虛朶同盟彭城，合圍叛人，服焉。宋乃定矣。楚鄭數侵宋，不厚困，向戌得取魯盟，劉以安其國。晉之力也。鄭成公助楚伐宋，晉正討之。韓厥先攻五國，為援謹用。諸侯不忍輕鬪，其民也。鄭僖公新立，諸侯會于戚，遂城虎牢，同盟雞澤。鄭志無貳，僖公卒，鄭畏楚伐而背晉。悼公於是有三駕之師，會于蕭魚，方敘績焉。彭城一圍而晉得宋，虎牢再役而晉得鄭，易得宋，難宋者晉有鄭者楚有也。陳邇于楚，久不屬晉。雞澤之盟，袁僑如來，晉始

子陳楚伐陳喪晉急救之鄆之會陳侯以國難逃歸
邢丘不至晉遂不能有陳春秋少之然成霸安強必
自宋始韓獻子之言也陳非吾事無之後可范宣子
之言也晉之謀霸急宋緩陳君臣慮定安而後動未
有不知彼知己而能霸者也晉欲得宋又欲得鄭即
失陳可也晉欲制楚又欲伐秦即會吳可也此悼公
之知權也晉文之時能克楚者齊秦而樂為晉用文
公因之集二國之師於城濮一戰而勝晉悼之時能
克楚者吳而未必即為晉用悼公惟招之同會不用
吳師而楚人自屈文公之霸譎矣悼公陰行其術而

守之以靜處之以謙五會示信三駕示威服鄭即止
未嘗興大師動大眾也合十二國之大夫伐秦報櫟
僅成遷延之役不敢直與秦戰也以怯為勇以退為
進名為復霸其術不過守霸耳或謂衛孫林父逐君
而不能正齊靈公梗霸而不能馴邾莒小國肆行而
不能禁治夏道疎晉悼君臣固安受之其為霸也力
所可及者及焉其不可及者舍焉為我害者慮焉不
為我害者寘焉謀人之智不出通吳自守之智不出
棄陳或者天假以年功當加顯未三十而薨豈天遂
欲無霸乎

平公

名彪悼公子襄十六年即位昭十五年卒在位二十六年謚法治而無背曰平

襄十六年三月公會晉侯宋公衛侯鄭伯曹伯莒子邾子

薛伯杞伯小邾子于溴梁戊寅大夫盟晉人執

莒子邾子以歸夏叔老會鄭伯晉荀偃衛甯殖

宋人伐許冬叔孫豹如晉

十八年夏晉人執衛行人石買冬十月公會晉侯宋

公衛侯鄭伯曹伯莒子邾子滕子薛伯杞伯小邾

子同圍齊

十九年春晉人執邾子季孫宿如晉大秋晉士句帥

師侵齊至穀聞齊侯卒乃還冬叔孫豹會晉士

句于柯

左傳

四月丁未鄭公孫蠆卒赴於晉大夫范宣子言于晉侯以其善于伐秦也六月晉侯請于王王追賜之大路使以行禮也

二十二年夏六月庚申公會晉侯齊侯宋公衛侯鄭伯曹

伯莒子邾子滕子薛伯杞伯小邾子盟于澶淵

二十一年春王正月公如晉夏公至自晉秋晉欒盈

出奔楚冬公會晉侯齊侯宋公衛侯鄭伯曹伯

莒子邾子于商任

二十二年冬公會晉侯齊侯宋公衛侯鄭伯曹伯莒子邾

子薛伯杞伯小邾子于沙隨

左傳

夏晉人徵朝于鄭 秋樂盈自楚適齊

二十三年夏晉樂盈復入于晉入于曲沃 秋齊侯伐衛

遂伐晉 八月叔孫豹帥師救晉次于雍榆 冬

晉人殺欒盈

二十四年春叔孫豹如晉 秋公會晉侯宋公衛侯鄭伯

曹伯莒子邾子滕子薛伯杞伯小邾子于夷儀

左傳

范宣子為政諸侯之幣重鄭人病之二月鄭伯如晉子產寓書于子西以告宣子宣子說乃輕幣 晉侯嬖程鄭使佐下軍

二十五年夏公會晉侯宋公衛侯鄭伯曹伯莒子邾子滕

子薛伯杞伯小邾子于夷儀 秋八月己巳諸侯

同盟于重丘

左傳

晉侯使魏舒宛沒逆衛侯將使衛與之夷儀 崔子止其幣以求五鹿 趙文子為政令薄諸侯之幣而重其禮 晉程鄭卒

二十六年夏晉侯使荀吳來聘 公會晉人鄭良霄宋人

曹人于澶淵 秋晉人執衛甯喜

左傳

春秦伯之弟鍼如晉修成 鄭伯歸自晉使子西如晉聘 衛人歸衛姬于晉乃釋衛侯君子是以知平公之失政也 晉韓宣子聘

周于

二十七年夏叔孫豹會晉趙武楚屈建蔡公孫歸生衛石

惡陳孔奐鄭良霄許人曹人于宋 衛侯之弟鱄

出奔晉 秋七月辛巳豹及諸侯之大夫盟于宋

左傳

齊人城邾之歲其夏齊烏餘以廩丘奔晉襲衛羊角取之遂襲我高魚有大雨自其實入介于其庫以登其城克而取之又取邑于宋於是范宣子卒諸侯弗能治也及趙文子為政乃卒治之 楚遠罷如晉涖盟

二十八年 夏衛石惡出奔晉 秋仲孫羯如晉

左傳

夏齊侯陳侯蔡侯北燕伯杞伯胡子沈子白狄朝于晉宋之盟故也 楚屈建卒趙文子喪之如同盟禮也

二十九年 夏仲孫羯會晉荀盈齊高止宋華定衛世叔儀

鄭公孫段曹人莒人滕人薛人小邾人城杞 晉

侯使士鞅來聘 冬仲孫羯如晉

左傳

晉侯使司馬女叔來治杞田弗盡歸也晉悼夫人愠曰齊也取貨先君若知也不尚取之公告叔侯叔侯曰魯之于晉也職貢不乏玩好時至公卿大夫相繼于朝史不絕書府無虛月如是可矣何必瘠魯以肥杞

三十一年 夏王子瑕奔晉 冬晉人齊人宋人衛人鄭人

曹人莒人邾人滕人薛人杞人小邾人會于澶淵

宋災故

左傳

三月癸未晉悼夫人食輿人之城杞者絳縣人或年長矣無子而往與於食趙孟問其縣大夫則其屬也召之而謝過焉遂仕之使助為政辭以老與之田使為君復陶以為絳縣師而廢其輿尉

昭元年 春叔孫豹會晉趙武楚公子圍齊國弱宋向戌

衛齊惡陳公子招蔡公孫歸生鄭宰虎許人曹人于虢 夏秦伯之弟鍼出奔晉 六月晉荀吳帥師敗狄于大鹵 冬楚公子比出奔晉

左傳

晉侯有疾鄭伯使公孫僑如晉聘且問疾十二月晉既烝趙孟適南陽將會孟子餘甲辰朔烝于溫庚戌卒鄭伯如晉弔及雍乃復

二年春晉侯使韓起來聘 夏叔弓如晉 冬公如晉

至河乃復 季孫宿如晉

左傳

三月春王正月鄭游吉如晉送少姜之葬齊侯使晏嬰請繼室于晉 夏四月鄭伯如晉公孫段相甚敬而卑禮無違者晉侯嘉焉授之以策 晉韓起如齊逆女 秋七月鄭宰虎如晉賀夫人

五年春公如晉

左傳

晉韓宣子如楚送女叔向為介

六年夏季孫宿如晉

左傳

晉人來治杞田 鄭子產聘于晉晉侯有疾韓宣子逆客私焉曰寡君寢疾其何厲鬼也對曰昔堯殛鯀鯀于羽山其神化為黃熊以入于羽淵實為夏郊三代祀之晉為盟主其或者未之祀也乎韓子祀夏郊晉侯有間賜子產莒之二方鼎

九年

左傳

周甘人與晉閻嘉爭閻田晉梁丙張趯率陰戎伐潁王使詹桓伯辭于晉 叔向謂宣子曰文之霸也豈能改物翼戴天子而加以共自文以來世有衰德而暴滅宗周以宣示其侈諸侯之二不亦宜乎且王辭直子其圖

之宣子說王有姻喪使趙成如周弔且致聞田與禘反類俘王亦使賓滑執甘大夫襄以說于晉晉人禮而歸之晉荀盈如齊逆女還六月卒于戲陽

十秋戊子晉侯彪卒九月叔孫婁如葬晉平公
晉平公義著于圍齊霸隳于盟宋君子惜之圍齊者何齊靈公環怙險負衆棄好背盟陵虐神主晉與諸侯同心疾之故書同圍也前者鞍之戰魯國四卿與晉衛曹三大夫同出代齊齊頃公敗績出紀甌玉磬汶陽之田以和春秋未嘗予晉而貶齊今同圍之役沉玉濟河齊靈夜遁不聞喪師獨深貶之者頃公過小靈公惡大四年之中亡伐魯鄙四圍其邑諸侯實

不平而爲之徵討非若郤克之脩憾于一笑也圍齊既還盟于祝柯曰大無侵小衛孫林父伐齊士匄帥師繼之至穀聞靈公卒乃還禮不伐喪進退俱善會於柯盟于澶淵齊知服焉是舉也晉可以霸後雖齊莊納欒盈伐衛晉不克終好過先自齊非晉失也盟宋之役晉楚同主夏盟也楚屈建欲之宋向戌啟之晉趙武成之爲會以弭兵而晉楚之從交相見也晉大夫之言曰兵民之殘也財用之蠹小國之大菑也弭之弗許楚將許之以召諸侯則我失爲盟主矣其言也順國君聽焉然楚入春秋荐食中國晏安鳩毒

不。可。以。懷。齊。桓。晉。文。不。得。已。而。起。脩。霸。令。豈。好。兵。哉。
兵。火。也。不。戢。則。焚。楚。縱。兵。者。也。非。戢。兵。者。也。成。頹。以。
來。專。以。兵。恫。喝。諸。侯。東。諸。侯。懼。而。從。之。者。半。楚。今。厭。
兵。又。以。弭。兵。之。說。愚。晉。抑。思。晉。自。文。公。舉。盟。會。正。侵。
伐。日。與。楚。爭。者。何。爭。諸。侯。之。從。晉。者。不。欲。其。從。楚。又。
爭。諸。侯。之。從。楚。者。欲。其。從。晉。也。晉。之。為。霸。以。其。可。以。
得。諸。侯。楚。之。為。楚。以。其。不。可。以。得。諸。侯。惟。諸。侯。不。嘗。
服。于。楚。是。以。楚。子。親。執。纛。韃。擐。甲。冑。以。圖。諸。侯。使。晉。
早。能。讓。楚。各。守。其。從。中。原。之。兵。久。絕。跡。矣。文。祖。不。辭。
黷。兵。之。名。以。存。天。下。之。大。防。子。孫。貪。弭。兵。之。名。以。求。

蠻。夷。之。小。喜。楚。誠。利。矣。晉。則。何。以。自。處。也。向。戍。合。晉。
楚。之。成。九。國。之。大。夫。同。會。于。宋。又。申。之。以。盟。楚。人。衷。
甲。遂。先。晉。軟。向。戍。自。矜。為。不。世。功。請。免。死。之。邑。及。宋。
有。火。災。晉。又。會。諸。侯。之。大。夫。謀。歸。以。財。當。時。澶。淵。之。
上。十。一。國。之。人。奔。走。于。宋。天。下。必。以。為。宋。有。大。征。伐。
焉。孰。知。止。以。災。故。也。未。盟。宋。以。前。齊。崔。杼。弑。其。君。光。
晉。有。夷。儀。之。會。重。丘。之。盟。受。賂。而。許。成。既。盟。宋。以。後。
蔡。世。子。班。弑。其。君。固。會。與。盟。俱。弗。聞。也。亂。臣。賊。子。接。
踵。于。世。晉。不。及。問。忽。急。宋。災。者。非。為。其。姬。之。死。而。來。
德。其。首。倡。弭。兵。集。四。方。而。並。走。其。國。也。儒。者。不。知。而。

謬善之謂周禮大宗伯之職乎禮哀禍裁禴禮哀圍
 敗王者所以和諸侯也周衰而亡庶于澶淵猶及見
 焉抑春秋之義貴道而不貴惠魯僖公為成風而伐
 邾不名救患晉平公為悼夫人而城杞不名保小凡
 國君以一家而役國一國而役天下私而非公經悉
 奪之晉于宋即果澶淵謀裁沾沾小惠亦城杞類耳
 况乎以盟宋而私厚之也虢之會楚公子圍因聘娶
 尋盟復讀舊書而先晉未幾弒立會于申以合十二
 國伐吳二役從晉之諸侯亦役于楚晉益卑矣然有
 諸大夫為政平公莫能主也祁午謂趙武曰子相晉

國于今七年再合諸侯三合大夫服齊狄寧東夏平
 秦亂城淳于子之力也稱子而不及君晉之大夫豈
 猶有公平哉衛孫林父逐君而專庇之致其入于戚
 以叛衛晉欒盈惡于范氏會于商任沙隨以錮之激
 其入于曲沃以叛晉一喜一怒皆黨強家病公室公
 為贅旒自初政已然矣春秋于平公即位會于溴梁
 特書大夫盟靖公之廢趙韓魏之為諸侯於此已見
 端焉不獨為一君慨也

昭公

名夷平公子昭十一年即位十六年

昭十年秋季孫意如會晉韓起齊國弱宋華亥衛北宮

侘鄭罕虎曹人杞人于厥慙

十二年夏公如晉至河乃復 冬晉伐鮮虞

十三年秋公會劉子晉侯齊侯宋公衛侯鄭伯曹伯莒

子邾子滕子薛伯杞伯小邾子于平丘八月甲戌

同盟于平丘公不與盟晉人執季孫意如以歸公

至自會 冬公如晉至河乃復

左傳

鮮虞人聞晉師之悉起也而不警邊且不脩備晉荀吳自著雍以上軍侵鮮虞及中人驅衝競大獲而歸

十四年春意如至自晉

左傳

晉邢侯與雍子爭鄗田久而無成士景伯如

十五年秋晉荀吳帥師伐鮮虞 冬公如晉

左傳

十二月晉荀躒如周葬穆后籍談為介

十六年夏公至自晉 秋八月己亥晉侯夷卒 九月

季孫意如如晉冬十月葬昭公

左傳

三月晉韓起聘于鄭

晉昭公在位六年會厥慙而合八國之大夫盟平丘而合十二國之諸侯兩伐鮮虞而狄地漸為晉有縱

春秋列國論卷四
楚公子比歸弑其君虔而楚靈之惡不及中國其能有爲也賢于平公矣霸終不振何哉厥愆之會謀救蔡也楚虔誘蔡侯般于申執而殺之棄疾帥師圍蔡蔡世子有堅守不下望救迫矣韓宣子激于荀吳之言勉會大夫又不出師使狐父往請楚不許執蔡有歸用之岡山夫楚虔雖暴陳蔡之禍四方震悼晉能義奮列國助之鼓行而前楚或知警蔡可無滅也而晉不用兵者必以宋盟方新我不敢悖也抑念西門之盟專爲弭兵諸侯樂從楚先自背滅其所從晉正討之曩者與盟之國誰不自懼禍及踴躍奉命竟徃

前好逡巡坐觀蔡滅雖楚罪可謂晉無責乎平丘之會傳云晉成虎祁諸侯朝而歸者有貳心叔向欲示威而徵會也然是時楚比方歸熊虔遇弑強夷內亂利在中國晉因而大合諸侯脩盟主之職振宋虢之恥君臣所共有事豈徒以虎祁哉邾莒微小獻賦不供諉罪于魯晉怒辭昭公不見執季孫意如是役也先以會重以盟四方將望治焉而竟以執魯大夫終是晉之盟會以間楚而合以怒魯而散也齊桓興霸屈體下魯再盟于幽而莊公至伐楚次陘而僖公從皆齊尋魯非魯求齊晉文踐土之盟溫之會魯僖公

兩朝王所晉實推魯爲先昭公欲復霸而偏治魯失先務矣黑壤之執成公怒魯宣之不朝也沙隨之不見厲公聽僑如之譖而惡魯成也魯昭事晉謹于宣公而邾莒善愬不如僑如晉胡爲乎惑而加誅焉或曰茗丘舍行父平丘執意如季孫專政晉習知之不可無討若然易其人反其政立魯卿之賢者而教其君以自強誠伯令也未幾惠伯說行意如歸魯前何以執之曰邾莒不供魯故之以也後何以釋之曰土地猶大所命能具也或奪或予皆没于利晉之六卿季孫黨也孰有爲昭公而執其強臣者哉春秋書公

不與盟晉人執季孫意如以歸著晉暴傷魯弱也儒者又云晉曲魯直不與爲幸平丘之會公已同諸侯麋集而相見矣軟血不及何亢之有夫亢魯晉之勢不加損卑魯晉之勢不加益其罪蓋先定矣罪者何同盟辱魯非桓文之事也且虎邾徵朝邾南盛兵晉先失禮於諸侯齊以投壺懷貳鄭以伯男爭承衛以蒞莒懼淫諸侯先不服於晉卽微魯釁四方叛矣宜乎晉合諸侯於此焉止而鄆陵之役參盟復見也雖然晉平公之疾蠱也周易女惑男風落山謂之蠱平公近女室崇宮榭國政委大夫其爲蠱也十二餘年

春秋左傳卷四
矣。昭公欲於六年之中振之。誠難。况其才僅裕。蠱非
幹蠱者乎。

頃公

名去疾。昭公之子。昭十七年即位。三十年卒。在位十四年。諡法敏以敬慎曰頃。

昭十年秋八月。晉荀吳帥師滅陸渾之戎。

二十一年夏。晉侯使士鞅來聘。冬。公如晉。至河乃復。

二十二年

左傳。晉之取鼓也。既獻而反。鼓子焉。又叛於鮮虞。六月。荀吳略東陽。使師僞糴者。負甲以息於昔陽之門外。遂襲鼓。滅之。以鼓子鳶鞮歸。使

涉佗守之。

二十三年春。王正月。叔孫婞如晉。晉人執我行人叔孫

婞。晉人圍郊。冬。公如晉。至河有疾。乃復。

二十四年春。婞至自晉。

左傳。

三月庚戌。晉侯使士景伯。洺問周故。士伯立于乾祭。而問於介衆。晉人乃辭。王子朝不納其使。

左傳。

鄭伯如晉。子大叔相見。范獻子曰。王室不寧。晉之耻也。獻子懼而與宣子圖之。乃徵會於諸侯。期以明年。

二十五年夏。叔詣會。晉趙鞅。宋樂大心。衛北宮喜。鄭游吉。

曹人邾人。滕人薛人。小邾人于黃父。

二十七年秋。晉士鞅。宋樂祁犁。衛北宮喜。曹人邾人。滕人

會于扈。

左傳。

十二月。晉籍秦致諸侯之戍于周。魯人辭以

二十八年春公如晉次于乾侯

左傳

晉祁勝與鄔臧通室祁盈將執之祁勝賂荀躒荀躒為之言於晉侯晉侯執祁盈祁盈之臣曰鈞將皆死愬使吾君聞勝與臧之死也以為快乃殺之夏六月晉殺祁盈及楊食我食我祁盈之黨而助亂故殺之遂滅祁氏羊舌氏冬梗陽人有獄魏戊不能斷以獄上其大宗賂以女樂魏子將受之閻沒女寬諫獻子辭梗陽人

二十九年春公如晉次于乾侯

左傳

秋龍見於絳郊冬晉趙鞅荀寅帥師城汝濱遂賦晉國一鼓鐵以鑄刑鼎著范宣子所為刑書焉仲尼曰晉其亡乎失其度矣

三十一年夏六月庚辰晉侯去疾卒 秋八月葬晉頃公

魯昭公五年如晉晉平公受莒人之愬欲止公范獻

子諫乃歸之其後季孫宿如晉叔孫婁送葬禮無闕

也晉昭公立厥愬則大夫往會平丘則公往會君辱

臣執四年之間三受晉侮公兩如晉至河而復甚而

見止焉自冬徂夏始得反國憾乃積矣及頃公即位

使士鞅來聘魯人方慶嗣君通好邦交復脩不虞季

孫欲惡諸晉薄牢禮以激其怒也冬公如晉至河乃

復晉辭公也魯文公三年如晉晉有伐楚救江之役

成公三年如晉晉有伐虜咎如之役俱不聞以國事

辭○公○今○晉○實○未○嘗○伐○鮮○虞○設○辭○拒○魯○者○士○鞅○之○為○也○
又○一○年○叔○孫○婣○如○晉○晉○人○執○之○踰○歲○乃○歸○傳○云○邾○人○
有○愬○晉○人○來○討○晉○何○厚○于○邾○士○鞅○怒○而○託○以○名○耳○季○
孫○意○如○之○執○也○平○丘○之○上○蒙○以○幕○守○以○狄○人○畏○不○敢○
爭○子○服○惠○伯○為○之○私○請○于○中○行○穆○子○而○得○歸○又○懼○除○
館○于○西○河○速○逃○是○幸○叔○孫○婣○之○執○也○以○周○制○折○邾○大○
夫○而○夷○不○並○坐○去○衆○與○兵○以○朝○而○韓○宣○謀○阻○范○獻○子○
求○貨○吏○人○請○吠○狗○則○卻○之○申○豐○以○貨○如○晉○則○禁○之○及○
其○歸○也○成○禮○而○還○患○難○之○際○兩○人○賢○不○肖○相○去○遠○矣○
昭○公○元○年○叔○孫○豹○會○諸○侯○于○號○莒○人○訴○取○鄆○楚○請○戮○

之○晉○樂○王○鮒○求○貨○使○請○帶○焉○豹○召○使○者○裂○裳○帛○而○與○
之○卒○弗○與○賄○趙○孟○稱○其○貞○信○忠○義○請○楚○勉○之○婣○即○豹○
子○也○父○子○守○義○君○命○不○屈○行○人○之○光○望○國○賴○焉○意○如○
之○執○公○嘗○如○晉○至○河○乃○復○婣○之○執○公○亦○如○晉○至○河○有○
疾○而○復○周○公○之○冑○千○乘○之○君○僕○僕○道○路○為○其○國○大○夫○
請○又○惕○晉○威○中○道○輒○復○何○自○卑○也○前○者○如○晉○晉○辭○而○
復○今○如○晉○晉○無○辭○焉○則○公○有○疾○矣○與○其○晉○辭○而○復○無○
寧○有○疾○而○復○臣○之○行○也○雖○有○疾○不○可○以○壅○君○命○君○之○
行○也○一○有○疾○不○可○以○交○鄰○國○春○秋○以○疾○全○昭○公○之○復○
非○善○復○也○不○得○已○焉○耳○雖○然○晉○數○辱○魯○魯○終○不○怨○謂○

國無禮則霸討之國有難則霸正之也季孫意如之亂公身出孫自次陽州以至居鄆亡三年矣晉始會于扈以謀納公士鞅又取貨而止何也晉靈之時齊商人弑其君舍晉盟扈以討齊人賂晉侯遂弗克討今之會扈亦然晉之賂靈公主之今之賂士鞅王之君受賂則罪蔽於君臣受賂則罪蔽于臣春秋不能諱也或曰周景王崩子朝作亂晉圍郊以圖之會黃父以定之急謀王室何暇及魯然王猛既卒敬王立已踰年晉不躬帥諸侯往赴其急僅遣偏師薄擾子朝之邑名爲王援非心討亂也久之主居狄泉尹士

立子朝鄭子大叔見范宣子以義勸晉方徵會黃父又明年單子告急知躒趙鞅帥師納王入于成周使成公般戍之乃還天子蒙塵五年晉從容觀釁強而後行豈可與文公圍溫速定襄王同日語哉且王室交戰劉單爲助子朝之黨勢嘗不敵繇渠次滑王漸反正晉遣大夫出佐不勞而入若魯則政在季氏者三世君喪政者四公齊之梁丘據晉之士鞅受貨與錦反謂意如無罪君伐已甚又盛矜其得民心多備援其孰誅之是故納王之名美于定魯而定魯之功反難于納王晉爲其易者則舍其難者矣田氏在齊

春秋列國論卷四
六卿在晉禍且旦夕發魯之季氏特先驅耳鄆陵有盟扈有會而魯昭公之次乾侯如故人亦何憚而不篡弒哉

定公名午頃公子昭三十一年即位哀二十年卒在位三十七年謚法大慮靜民曰定

昭二十一年春季孫意如會晉荀躒于適歷夏晉侯使

荀躒唁公於乾侯

二十二年冬仲孫何忌會晉韓不信齊高張宋仲幾衛世

叔申鄭國參曹人莒人薛人杞人小邾人城成周

定元年春三月晉人執宋仲幾于京師

三年春王正月公如晉至河乃復

左傳

秋九月鮮虞人敗晉師于平中獲晉觀虎恃其勇也

四年春三月公會劉子晉侯宋公蔡侯衛侯陳子鄭伯

許男曹伯莒子邾子頓子胡子滕子薛伯杞伯小

邾子齊國夏于召陵侵楚夏五月公及諸侯盟

于臯鼬秋晉士鞅衛孔圉帥師伐鮮虞

五年冬晉士鞅帥師圍鮮虞

六年夏季孫斯仲孫何忌如晉秋晉人執宋行人樂

祁犁

八年夏公會晉師于瓦秋晉士鞅帥師侵鄭遂侵衛

左傳

鄭樂祁歸卒于大行士鞅曰宋必叛不如止其尸以求成焉乃止諸州

十年夏晉趙鞅帥師圍衛

十三年秋晉趙鞅入于晉陽以叛 冬晉荀寅士吉射

入于朝歌以叛 晉趙鞅歸于晉

十四左傳

梁嬰父惡董安于謂知文子曰不殺安于使終為政於趙氏必得晉國蓋以其先發難也討於趙氏文子使告於趙孟趙孟患之安于曰我死而晉國寧趙氏定將焉用生乃縊而死冬十二月晉人敗范中行氏之師于潞獲籍秦高彊又敗鄭師及范氏之師于百泉

哀元年 秋齊侯衛侯伐晉

二年夏晉趙鞅帥師納衛世子蒯聵于戚 秋八月甲

戌晉趙鞅帥師及鄭罕達帥師戰于鐵鄭師敗績

左傳

冬十月晉趙鞅圍朝歌師于其南荀寅伐其郭使其徒自北門入已犯師而出癸丑奔邯鄲十一月趙鞅殺士臯夷惡范氏也

四年夏晉人執戎蠻子赤歸于楚

左傳

秋七月齊陳乞弦施衛甯跪救范氏庚午圍五鹿九月趙鞅圍邯鄲冬十一月邯鄲降荀寅奔鮮虞趙稷奔臨十二月弦施逆之遂墮臨國夏伐晉取邢在欒鄆逆時陰人孟壺口會鮮虞納荀寅于栢人

五年夏晉趙鞅帥師伐衛

六年春晉趙鞅帥師伐鮮虞

春秋列國論卷四
七年春晉魏曼多帥師侵衛

九年左傳 晉趙鞅卜救鄭不吉乃止

十年夏晉趙鞅帥師侵齊

十三年夏公會晉侯及吳子于黃池 秋晉魏曼多帥

師侵衛

左傳 秋七月辛丑盟吳晉爭先

哀十四年秋晉趙鞅帥師伐衛

十五年秋晉趙鞅帥師伐衛 冬晉侯伐鄭

十七年夏六月趙鞅圍衛齊國觀陳瓘救衛

簡子曰我十月伐衛未十與齊戰乃還 二十八年或曰二十

出公名鑿定公子哀二十一年即位 在位十七

左傳 年

哀二十三年夏六月晉荀瑶伐齊高無平帥

師御之壬辰戰于犁丘齊師敗績知伯親禽

顏庚 二十四年夏四月晉侯將伐齊使來乞師臧

石帥師會之取廩丘晉師乃還 鄭次于桐丘

悼之四年晉荀瑶帥師圍鄭未至駟弘曰知

伯懷而好勝卑下之則可行也乃先保南里

以待之知伯入南里門于桔扶之門鄭人俘

鄆 鄆之壘賂之以知政閉其口而死將門知伯

謂趙孟入之對曰王在此知伯曰惡而無勇

何以爲子對曰以能忍恥庶無害趙宗乎知

伯不悛故韓魏反而喪之 知伯貪

胡康侯傷晉霸之衰也曰示威平丘而齊叛辭請召

陵而蔡叛盟于沙鹹而鄭叛次于五氏而衛叛蒞于

春秋列國論卷四

鄭會于夾谷。軟于黃而魯叛。諸侯叛大夫亦叛。故奔于晉陽。而趙鞅叛入于朝歌。而荀寅與士吉射叛。若然則內外皆叛。晉將亡矣。然魯昭之孫晉定即位。卽遣使省問。意未嘗不欲納公也。敬王入成周。遂定都焉。徵諸侯。城之。晉帥諸大夫以先宋仲幾不卽役。執于京師。未嘗不謀王室。申霸令也。召陵之會。從者十八國。出而侵楚。未嘗不外夷狄也。齊桓之伯也。仲孫省魯難。召陵盟。屈完首止。葵丘定襄王舉三大義。而天下服。晉定初年志在嗣霸。將有爲焉。及觀春秋。惟成周之城。奔命天子。仲幾之執。討以王事。經無貶詞。

納魯侵楚。功未一成。則繇大夫爲政也。魯昭公逐于季孫意如。晉頃公會。扈以納之士。鞅取貨。竟弗克納。昭屢如晉。次于乾侯。頃公卒。定公欲成父志。將以師納公。鞅弗願也。召季孫意如。會晉荀躒于適。歷季孫告無罪。晉侯僅使躒唁公而已。意如之逐君也。其謀深。其黨厚。國中樹兵。而外陽請罪。若謂臣非劫君者也。君自怒。臣而出耳。士鞅取其貨。又爲之辭。曰。季孫何罪。請囚。請亡。而不獲。君何其不怨也。晉定公召季孫將伏其辜矣。鞅復私之。曰。子必來。我受其無咎。乃使季孫練冠麻衣。跣行伏對。爲遜辭以謝。晉晉人亦

憐之。以為其君實甚。季孫免矣。前以危言懼宋衛。大
 夫之心。後以卑詞緩晉人之怒。皆士鞅主之。而魯昭
 不果入也。齊景公唁公于野井。曰：唁晉荀躒。唁公于
 乾侯。亦曰：唁春秋。但見晉唁不見晉納也。昭薨。乾侯
 季仍執政。魯定公如晉。亦至河。乃復臯鼫從盟。二卿
 並使瓦之會。魯尚患齊而德晉救及乎夾谷。魯亦舍
 晉附齊矣。晉不能誅魯賊。臣使昭公道死。即欲強令
 烏可責其子。必無二也。召陵之會。劉文公合諸侯謀
 伐楚也。荀寅求貨于蔡侯。不得而辭之。又假羽旄于
 鄭。失鄭人心。侵楚不成。徒盟臯鼫。夫齊桓公以八國

伐楚。楚人來盟。晉文公以四國戰。楚楚師大敗。是役
 也。師三倍。桓五倍。文一侵。即止者。定公制于卿之欲
 貨。而不得進也。晉不侵楚。蔡乃請吳。敗楚入郢。百年
 之一日。百戰之一功。坐讓蠻吳。遂起黃池爭長之漸。
 失策甚矣。納魯昭義名也。伐強楚。霸政也。且為時也。
 易。晉兩失之。而樂祁犁有執鹹沙曲濮。有盟夾谷。安
 甫有會五氏。垂葭有次。中國之大。如齊魯鄭衛。無不
 畔也。晉乃孤矣。君孤立。于上則臣交爭。于下趙鞅求
 衛貢。五百家而殺邯鄲午。荀寅范吉射為午而伐鞅。
 鞅奔晉陽。以叛。荀躒韓不信。魏曼多為鞅而伐范氏。

中行氏寅吉射奔朝歌以叛若以罪言專殺專伐其
罪均也而鞅先之晉陽近晉地險兵強據之足以要
君朝歌遠晉僅能自保不足為國患也而鞅又先之
然荀士不反鞅得善歸者鞅之黨盛矣荀韓魏三家
助之國人和之晉陽之險又資之大臣比焉弱主懾
焉盡以擅兵逐鞅之罪歸于寅與吉射而鞅借甲晉
陽反名為除君側之惡故得傲然而出怡然而入也
鞅未叛以前執晉政者五家既叛而歸以後執晉政
者四家再世而三家矣晉之六卿漸併而為三家三
家之勢必漸大而分晉春秋始慮晉卿之多今又慮

晉卿之少也鞅專晉國黨衛世子蒯賸則有戚之納
惡鄭人厚范中行氏則有鐵之戰自是構怨而侵鄭
衛伐喪而侵齊悉鞅與曼多帥師迨楚索戎蠻子赤
晉執而歸焉黃池之會吳晉同焉吳楚昔所擯也而
與之親齊衛鄭昔所與也而皆為敵荀無私憾仇讐
而昏姻可也苟有私憾昏姻而仇讐可也愛憎自鞅
晉定何知視士鞅荀寅之以貪亂政時又加變矣士
鞅荀寅竊鈞者也趙鞅竊國者也

春秋列國論

卷四

五



